



بلوچی اصف





مليين سرود

دا عزت د هر افغان دی
هر بچی یې قهرمان دی
د بلوڅو د ازبکو
د ترکمنو د تاجکو
پامیریان، نورستانیان
هم ایماق، هم پشه یان
لکه لمر پر شنه آسمان
لکه زره وي جاویدان
وایو الله اکبر وایو الله اکبر

دا وطن افغانستان دی
کور د سولې کور د تورې
دا وطن د ټولو کور دی
د پښتون او هزاره وو
ورسره عرب، گوجر دي
براهوي دي، قزلباش دي
دا هېواد به تل ځلیري
په سینه کې د آسیا به
نوم د حق مودی رهبر

بِسْمِ اللّٰهِ الرَّحْمٰنِ الرَّحِیْمِ



بلوچی

۹ صنف

چاپی سال: هـ . ش ۱۳۹۹

الف

کتابی درستی کنگ

مضمون: بلوچیی زوان

نویسوکان: تعلیمین نصابی بلوچیی بهری نویسوکین دل.

ایدت کنوک: بلوچیی زوانی در سیین کتابانی نویسوکین دل.

صنف: نهم

متنی زوان: بلوچی

دیمری دیوک: تعلیمین نصابی دیمری و درسیین کتابانی لیکگی مزین ریاست.

شینگ کنوک: معارفی وزارتی عامه ین آگاهی و ارتباطی ریاست.

چاپی سال: هجری شمسی ۱۳۹۹

ایمیل آدرس: curriculum@moe.gov.af

درسیین کتابانی چاپ، بهر وبها کنگی حک په افغانستانی اسلامیین جمهوری معارفی وزارت ساتتگنت. به بازارا زیتن و بها کنگش منع انت گون خلافان قانونیین سلوکی بیت.

معارفی وزیرى پيگام

اقرا با سم ربك

پاكين خالقى با زين حمد و ستا كه اماره هستى دات و و تنن و نمشته كرتنى مزنين نعمتى واوند كرت و بازين درود په خاتم رسول حضرت محمد مصطفى ﷺ كه خداوند جلالي اولى پيگام په آبي (ونتن) انت.

چوكه په درستان روش و درانت. هجرى شمسي ۱۳۹۷ سال به معارفى سالى ناما نام گپتگ بوت. پميشا به امى و طنا به تعليم ورود ينگى نظامى جتاجتايين بهران بازين بنياديين بدل بوگى كيت: معلم، وانديگ، كتاب، مكتب، اداره و ماس و پسانى شورا افغانستانى معارفى شش بنياديين بهرزانتگه بنت كه به وطنى تعليم ورودينگى ود وديمرىيا مزنين تاثيرى دارنت. به انجين قسمت جوړ كنوكين و هدى، افغانستانى معارفى رهديرىي مزنين خانواده تعهد كرته كه به وطنى تعليم ورودينگى انونيين نظامى ود و ديمرىيا بنياديين بدل بوگى بياريت.

شه همى روگها تعليمين نصابى اصلاح وديمرىي شه معارفى وزارتى سرى كاران انت. به اى بهرا تعليمين نصابى اصلاح و ديمرىي، كتابانى مزند و محتواى گهبودى و به مكاتبان و مدرسه ان، سركارى و خصوصيين بنيادان درسيين كتابانى رسيستن و بهركرتن به معارفى وزارتى پروگرامانى اولسرا جاه داريت. اما باوردان، اگه كتاب جوانين كيفيتى داشتگ مه بنت، وطنى تعليمين سك و پرواكين مخسدانا به دستا آورتگه نه كنن.


په يات بوتگين مخسدانى به دستا آورتن و يك كارين هيل زورگين نظامى رسگا شه مچين وطنى دلسو چين معلم و مدرس و زانگ و كمالى واوندن مديران كه آيوكين نسلى رودينوك انت، په عزتداريه لوتين كه په اى درسيين كتابى هيل داتن و آبي مزند و محتواى رسيستنا به امى عزيزين فرزندان شه هررازى كوشستى پدا مه كنزنت و به كارى و سرپدين نسلى تعليم ورودينگا گون دينى و مليين ارزشتان گون ايراد گروكين فكرى كوشست بكننت. هر روچ سر تعهد و ذمه واريى منگى نوک كرتنا گون اى نيتاسخ داتنا بناكننت كه به زوتين آيوكى عزيزين و انديگ، تاثير دارين رودينتگ بوتگين شهروند و آبات و ديما شتگين افغانستانى جوړكنوك بنت.

همى رازشه عزيز و دوستين وانديگان كه وطنى باندى روچى پرارزشين پيه و سرمايه انت لوتين كه رساكا مه شموشتت و په باز ادب و احترام گون علميين پت و پولى شه عزيزين معلمانى سبخا په جوانى كپ بزورنت ووتى عزتمندين معلمى زانگ و علمى اوشگ چين بنت.

گلسرا شه وطنى هيل ديوكين كارزانتان، تعليم ورودينگى دانديگان و تعليمين نصابى فنين بهرى همكاران كه په اى درسيين كتابى بريركرتنا شپ و روچ كوشست كرتگش قدر كرته وشه مزنين خالقى دربارا په آوان به اى پاك وانسان جوړ كنوكين راها سوب و كاميايه لوتين. به يك معيارى و ديماشتگين معارفى نظامى دسترسى و آبات و ديماشتگين افغانستانى رسگى اوميتا كه سرپد، آزات و آسوده حالين شهروندانى واوند بيت.

دكتور محمد ميرويس بلخى


معارفى وزير



دیم	سرگال	اشمار
۱	خداوند «ح»	۱
۵	حضرت محمد «ص»	۲
۹	سدك و راستی كتب	۳
۱۲	خشمی و ارتن	۴
۱۶	امانت ساتوكی	۵
۱۹	اناری دانگ	۶
۲۴	باد هوایی گندگی	۷
۲۸	موزیمی كدری زانتن	۸

۳۲	ویل خرچی	۹
۳۵	مرک آروک (مخدرین چیز)	۱۰
۳۹	زوان راهبند "گرامر"	۱۱
۴۲	ماینانی رند	۱۲
۴۶	نیوگانی پیدگ	۱۳
۵۰	حضرت عمر «رض» رحم	۱۴
۵۳	دُرا جاه	۱۵
۵۸	لیب وگوازی	۱۶
۶۶	گالوار	۱۷
۷۰	غلام محمد «لعلزاد»	۱۸
۷۴	عبارت و آبی ڊول	۱۹
۷۶	پاکیزگیا دلگوشی	۲۰
۸۰	سلا و شوری کدر	۲۱
۸۳	لیکو چی انت؟	۲۲
۸۷	جمله و آبی ڊول	۲۳
۹۱	اوستاتن و نشتن	۲۴
۹۵	نکل	۲۵
۹۸	دروگی گندگی	۲۶
۱۰۲	بزانت بلد	۲۷

بِسْمِ اللّٰهِ الرَّحْمٰنِ الرَّحِیْمِ خداوند جَلَّالَهُ



مخسد:

- واندىگ سبځا بوانتت وبلکنت.
- به خداوند جَلَّالَهُ واک و مزنا گيشتر پو بنت.

جست:

- ۱- اماشه کى مدت و کمک لوتين؟
- ۲- بيد بنیادما دگه کى خداوند جَلَّالَهُ ثنا و صفتا کنت؟
- ۳- خداوند جَلَّالَهُ وتى هما بندگانا که آبی فرضانا تسره کنتت چونین کدری دنت؟



خداوند ﷻ آلا شریکین واک انت که مچین جهانی هستی و مخلوکانا و دی کرت و په وتی بندگانی راه نشان دیوکیا، وتی حبیب حضرت محمد صلی الله علیه وسلم آخر الزمانی پیغمبر کرت. درگتیکه خداوند ﷻ آدم (ع) بری دنیا و دی کرت و اشرف مخلوقات نامی اشته، مچین ملایکانا امر کرت که به آبی سجده بکننت، مچین ملایک سجده کرتنت، بیدی یکی که لعینین شیطان ات. شه ای سببا په آبی نالتی توخ، شه آسمانا ایرآت و راستام به گتئی کپت. هر چیزیکه به جهاننا دیستگه بیت و آبی که است مگه به چمان دیستگه نه بیت، هر گجامی آگه جن و انس انت، یا ملایک و درچک و دار مچین خداوند ﷻ ثنا و صفتا کننت، آگه بچارن امی سرئ برزگا آسمان هم به رکوعا اوشتانگیت و خداوند ﷻ ذکر اکننت.

رودانی تهی ماهی و بالی مرگ آگه به هوا انت یا که به چمند و دگاری دیما یا به آب و اشکنی تنها مدام به خدای ذکر و ثنا مشکول انت. خداوند ﷻ ابدی انت، یکی انت شریک و مانند نه داریت، نه شه کسی و دی بوته و نه کسی شه آبی و دی بوتگیت، آ زانا و عالم الغیب انت شه هر چیزی به هر جاگهی که بیت سی داریت و زانت و هر جاه واک و ارادی و اوند انت، بید آبی ازم و موکلا درچکئی بلگی نه سُریت. خداوند ﷻ انچین واک و حکمتی و اوند انت که مچین عالماگون پراهین آسمانان و ای توبین کایناتا که شه بنیادمانی عکلا درانت اداره کننت. خداوند ﷻ باز بخشوک و مهربان انت، آ په وتی بندگان به ای دنیا، هرورئ نازو نعمتانا و دی کرتگیت و وتی کتاب قرآن مجیدا په وتی حبیب حضرت محمد صلی الله علیه وسلم دیم داتگیت که آبی بندگانا به نیکی و راستیی راستامین راها راه نشان دیوکئی بکننت.

خداوند ﷻ به جهاننا په مچین چیزان، بربرگون آوانی جاور و حالتا جاگه تعین کرت و چیزیکه آوانی حک انت به آوان داتگیت. عدل شه خداوند ﷻ صفتان انت، به خدا ﷻ عدالتنا باور و ایمانی دارگ به مسلمانانی کردار و میل و لوپگانی تسرسگا که عدل و انصافا به وتی دیما بگرت و ظلم و زورانسریا شه بن و روتگا بکشنت، مزنین تاثیر داریت. خداوند ﷻ وتی بندگانا کول کرت و وتی بودین بندگانا که آبی امرا تسر بکننت و فرضانی برجا کننت به هر دو جاها عزتی و اونده کننت و خاص آ دنیا هرورئ نعمتی که بلوپیبت بریبره کننت.



اما امیت دارن که خداوند ﷻ اماره به راهی تنها پرینیت که آبی لوټگ انت، اماره ای واک و وسا بدنت که نیک و خیری کارانا تسر برسین و شه گندگ و گناهی عمل و کرداران دورساتیت.

معلمی تچ و تاگ:

* سبخی نوکین گالاناگون مانایش به تختی دیما لکیت.

* شه وانندگان لوټیت که سبخا په رون په برزین توری بوانت.

* لوټیت که وانندگ سی بار بنت و هرباری وانندگ گون وت په خداوند ﷻ واک ای باروا هبر بدینت.

* په وانندگانی اوشکتنا کسانین مطلبی گشیت.

* په گشتگین مطلبی باروا شه آوان لهتین جسته کنت، پسوانا کوشکنت.

* شه سی وانندگا لوټیت چیزیکه دیما شه جستان اوشکتگت یکواردگه شه بر په برزین توری بگشت.

وانندگانی تچ و تاگ:

* وتی معلمی هبرانا کوشکننت گسویین کاری کتابچهانا په چارتنا دره کنت و نشانه دینت، هوشا به معلمی سوگه وراهشونیان گرت.

* سکین دیوکیین جستانا که معلم دیما شه سبخا په آوان وائیت کوشکننت و به پسوانی پکرا بنت.

* په باز دلگوش سبخا کوشکننت و نوکین گالاناگون مانایش شه تختی دیما به وتی کتابچهان لکنت.

* دو وانندگ سبخا په رون په برزین توری وانت و آدگه کوشکننت.


* وانندگ سی باره بنت و گون وت په خداوند ﷻ واک ای باروا هبر ه دینت.

* سئ وانندگ چیزیکه دیما شه جستان اوشکتگنت په رون یکواردگه شه بر په برزین تواری گشت.

شه وت کرتن:

عزتمندین معلم په وانندگانی شه وت کرتنا که بارین سبخا په شری هیل زرتگنت، آگه نه، شه آوان لهتین جسته کنت، پسوانا کوشکنت، سوگه وراهشونیه کنت. همی راز په وانندگانی لکتنا چنت جمله په آوان گشیت.

کسویین کار: عزتمندین معلم وانندگانا سوگه کنت که ای سبخا شه کتابی دیما به وتی کتابچهان بلکنت.



حضرت محمد ﷺ



مخسد:

- * وانندگ سبڤا بواننت و بلكنت.
- * شه حضرت محمد ﷺ برزين صفتان سى بنت.
- * آى عمل و كردارانا وتى راهشون بزانت.

جست:

- ۱- حضرت محمد ﷺ به چنت سالگيا گون وتى ماسا به يثرب سفر كرت؟
- ۲- حضرت محمد ﷺ به چنت سالگيا گون خديجة الكبرا گس كرت؟
- ۳- حضرت محمد ﷺ چنت سال زندگى كرت؟

وهدی که حضرت محمد ﷺ ودی بوت، بنی هاشمی خاندان باز گل و شادی گپت. عبدالله شه بنی هاشمی دگه زاگان گیشتر به آوانی دلان دوست ات و وهدی که عبدالله زوال ببوت آوانی غم ورنجی وج بوت، دگه حضرت محمد ﷺ ودی بوتن آوانی غم و دردانی کمی سبب بوت، بنی قریش خاندان آیرا، آیی پسی یاتی زنگ کنوک زانتنت.

یکی شه مکھی مزنانی داب و ریمان ایش ات که به گیابان نندین تکرانی میانجینا په وتی شیروردین زاگانی ساتنا دایگ گچینه کرتنت که آوانی زاگ په شری رودینتگ و ساتگ بنت، پمیشا عبدالمطلب بنی هاشمی خاندانی مزن و حضرت محمد ﷺ سرپرست، شه عربی تکران مزن نام و توارین جنین زاگی را که نیکین خو و تبی واوند ات، په حضرت محمد ﷺ ساتن و شیر داتا گچین کرت که نامی حلیمه ات و شه بنی سعدی تکر ات که به طایفی شهرئ ایشک و آشکا زندگیه کرتنت.

وهدی که حضرت محمد ﷺ به شش سالگیا رست گون وتی ماسا به پرمهر و محبتین سفری به یثرب (مدینه) شوت. و وختیکه شه یثرب برگشتنت، آیی ماس آمنه به "ابوا" شه ای دنیا شت و وتی زاگا تانا اشت، ای ورا حضرت محمد ﷺ به کسان سالیای وتی ماس و پسا شه دستا دات و آیی پیروک عبدالمطلب آیی سرپرستیا گپت و همیکه به هشت سالگیا رست آیی پیروک عبدالمطلب هم شه ای دنیا شت و حضرت محمد ﷺ سرپرستیا ابوطالب گپت.

ابوطالب تانکا پیغمبر ﷺ سرپرست نه، بلکین باز دلسوچ و مهربانین پسی ورا آیرا ساتت، په آیی مزن بوتن و رودینگا خاصین دلگوشی کرت. حضرت محمد ﷺ به ۲۵ سالگیا گون خدیجة الکبرا که چل سالگ ات گس کرت. آیی زاگ و جنکانی نام قاسم، عبدالله، ابراهیم، زینب، ام گلثوم، رقیه و فاطمه انت که تانکا ابراهیم شه دگه ماسی ات و آدگه مچین شه بی بی خدیجه انتت.

حضرت محمد ﷺ مچین برزین نیکین صفتانی واوند ات، گون مردمان مهر، دلسوچی، رحم و کرم داشت و په مردمانی راهشونیا باز کوشسته کرت، په دگرانی حکئی برجا بوتن، عدل و انصافی تسر رسگ، کار و ذمه واریانی په جوانین تسر کرتنا باز سوگه کرت. حضرت محمد ﷺ به سدک و راستی و امانت ساتوکیا نام و تواری و واوند ات پمیشا آیرا امین گشتنت،



گون مچین مردمان نیکین سلوکی کرت و باز مهربان و دلسوچ ات به آبی دیما مچین یک و بربر انتت گلام و نادار و هستگار و ناداری میانجینا توپیری نه داشت و شه کبرو غرورا و ترا دوره ساتت.

حضرت محمد ﷺ گون مردمان اوستاتن و نشتن داشت و ترا شه آوانی حال و بودا سهیه کرت و مدا مان گون مردمان په نرمی و وش زبانی هبره دات و گون آوان جوانین مهربانین سلوکی کرت. آپه کبری باروا گشت:

" کسیکه به دلئ تهی کسانین کبری بیت به بهشتی تنها شتگه نه کنت "

به امی مزین پیغمبری دیما نادره و ناجورانی سروسوچی گپتن و شه آوانی حال و بودا و ترا سی کرتن باز کرد داشت، وتی اصحابانی سروسوچا گپت و شه آوانی حال و بودا و ترا سیه کرت و گون ناجوران دیداره کرت. به آبی دیما کسان و مزین یا مردین زاگ و جنین زاگی توپیر نه ات. یکروچی حضرت رسول خدا به وتی نواسگ "امامه" ی سوج گپتنا که ناجور ات شت و گون آبی دیستنا شه مبارکی چمان ارس شیوگ بوتنت و هما صحابیا که شه آبی گریوگی سببا حیران بوت گشت: ایش یک رحمتی انت و خدا آیرا به وتی هربندگی دلا که بلوتیت جاه دنت و خداوند تانکا هما کسی سرا رحمه کنت که مهربان بیت.

امی پیغمبر غیر مسلمانانی سوجا همه گپت، یک یهودی زاگی سوجی گرگاشت که په حضرت رسول خدا خدمت کرتت و شه آبی لوپت که مسلمان بیت. آزاگ مسلمان بوت. امی پیغمبر اصحابانا سوگه کرت که په ناجورانی سوجا بروننت، به ناجورانی سوجی گپتنی وهدا په آوان دعا کرت و آوانا دل ډډیه دات و وتی امتانا هم سوگه کرت که ناجورانی سوج گپتنی وهدا آوانا دل ډډی بدینت.

اسلامی مزین پیغمبر حضرت محمد ﷺ آخرین پیغمبرات که مهربانین خداوند ﷻ آیرا په جهانینانی راهشونیا دیم دات، براوهدان که انسان به انچین جاو ورو حالتی زنده گوازینتنت که مردم شه خدای پرستشا دور منته و شه آوانی میانجینا عدل و انصاف شتت. خداوند ﷻ په آوانی راه نشان دیوکیا حضرت پیغمبرا وظیفه دات و قرآن مجیدا په آبی دیم دات و شه آبی لوپت که گون ای آسمانین کتابا مردمانا به مردمگری و عدل و انصافی نیمگا راهشونی بکنت.



معلمی تچ و تاگ:

* په واندگانی گیشترین سرید کرتنا په حضرت محمد ﷺ برزین و نیکین صفتانی باروا مالومات بدنت.

* په گشتگین مطلبی باروا شه آوان سوج بکنت.

* شه سئ واندگا بلوئیت که چیزیکه دیما شه جستان اوشکتگنت، په رون یکواردگه شه بریه برزین تواری بگشت.

واندگانی تچ و تاگ:

* وتی معلمی هبرانا په جوانی بشکننت، گسویین کاری کتابچهانا په چارتنا نشان دینت.

وتی هوشا به معلمی سوگه وراهشونیان بگرت.

* دو واندگ په رون نوکین سبخا په برزین تواری بوایت.

* نوکین گالاناگون مانایش شه تختی دیما به وتی کتابچهان بلکنت.

شه وت کرتن:

عزتمندین معلم په ایشی که په وت مالوم بکنت که بارین واندگ سبخا په شری هیل زرتگنت

آگه نه شه آوان لهتین جسته کنت، پسوانا کوشکنت، سوگه وراهشونیه کنت.

په ایشی که واندگانی لکتن جوان بیت په آوان لهتین جمله گشیت.

گسویین کار:

عزتمندین معلم واندگانا سوگه کنت که ای سبخا به وتی کتابچهان بلکنت.



سدک و راستی کت

مخسد:

- * وانندگ سبخابواننت و بلکنت.
- * شه سدک و راستی پایدگ و کتاسی بنت.
- * گون سدک و راستی کارو کردان خو بگرت.

جست:

- ۱- سدک و راستی چه پایدگ و کتبی داریت؟
- ۲- کی به راستیا نام و توارئ واوند ات؟
- ۳- سدک و راستی و کلپی و دروگی توپیرچی انت؟

سدک و راستی به اسلامی پاکین دینا باز کدر داریت، سدک و راستی انچین نیکین کردار و عملی انت که مسلمانا به بهشتی نیمگا راهشونیه کنت، هر نیکین کرداری که مسلمان تسره رسینیت و به ای بهرا هرگام گیجی که تسره بارت، به خداوند ﷻ دیما به سدک و راستی سرگالی چیرا لکتگه بنت، بلی دروگ و کلپی گندگ انت و گندگین آسرونیتیجی دارنت که مردما به آچشی لمبی تها پریننت و آگه کسی دروگه شیت و کلپیه کنت دگه آبی ای دروگ و کلپی هم سیایگ و لکتگه بیت.

مومنانا سوگه و جخت بوته که هچبر دروگ مه گشت و کلپی مه کنت. خداوند ﷻ شه دروگبرا بده بارت، دروگ دروگبرا به آراها بارت که آسرا آبی اعتبارا زیانه کنت.

اسلامی مزین پیغمبر مسلمانانا په سدک و راستیا سوگه و جخته کرت وشه مسلمانان لوپت که راست بگشت، راستی زبانی و زوال نه داریت، دگه و ترا به سدک راستیا هیل داتن جوانین خو و تبی انت، مگه دروگ باز گندگ و ناشرانت که بنیادمی شان و عزتا زوریت و آیرا گون



سکیان دیم په دیمه کنت. اما باید بزائن که دروگی گشگ جوان نه انت و امی جورینگ و عذابی سببه بیت. و ترا شه دروگ و کلپی گریا بساتن ووتی مچین کارو کردانا په سدک وراستی تسریر سینن.

حضرت ادريس (ع) په سدک وراستیا مزن نام و توار ات، آبی سدک وراستی سبب بوت که نامی به قرآن مجیدی تها گیتگ بیت، خداوند ﷻ آیرا دوست داشت.

خداوند ﷻ په ای واسطه گشیت: آیرا به برزین درجه و خاصین جاگهی رسیتون، سدک وراستی به خداوند ﷻ دیم اینکس کدر داشت که ادريس (ع) به برزین درجی رسیت، باید انت سدک وراستی کدر بزائن، گون سدک وراستیا خو بگرن، هر جاگه و به هرکاری سدک وراستی بکنن و ترا شه دروگ و کلپیا که گندگین آسر و نتیجی داریت دور بساتن و خداوند ﷻ و شنودیا حاصل بکنن.

معلمی تچ و تاگ:

* دیم شه نوکین سبخا شه و اندگان هما سکین دیوکین جستانا سوجه کنت که به سبخی برزگا لکتگ بوتگنت.

* شه و اندگان لویت و تی کتابانی دیم بچارنت و بشکننت، و ت سبخا په برزین تواری وایت و نوکین گالا ناگون مانایش به تختی دیم لکیت.

* لویت دو و اندگ په رون ای سبخا په برزین تواری بواننت.

* و اندگانا سی باره کنت و لویت که هر باری گون و ت په سدک وراستی کدر و روی باروا هبر بدینت و شه هر باری نیمگا یک و اندگی چیزیکه شه و تی همراکان اوشکته وزانت په سدک وراستی باروا په برزین تواری بگشیت و آدگه بشکننت.

* په و اندگانی اوشکتنا په آوان کسانین مطلبی گشیت.

* په گشتگین مطلبی باروا شه و اندگان لهتین جسته کنت.

* لویت سی و اندگ په رون چیزیکه دیم شه جستان اوشکتگت یکواردگه شه بر په برزین تواری بگشتت.

و اندگانی تچ و تاگ:

* معلمی هبرانا په جوانیه کوشکننت و تی گسویین کاری کتابچهانا په چارتنا پاچه کنت و به و تی



دیما کلنت، معلمی سوگه و راهشونیا نا به وتی هوشا گرت.
 * سکین دیو کین جستانا کوشکننت و به پسوانی پکرا بنت.
 * معلمی توارا که سبخا برزه وایت کوشکننت، نوکین گالانا گون مانایش شه تختی دیما به وتی کتابچهان لکننت.
 * چیزیکه معلم په اوشکتنا گشیت په دلگوش کوشکننت.
 * اوشکتگین مطلبی باروا جستانی پسوا گشت.
 * سی واندگ په رون چیزیکه دیما شه جستان اوشکتته یکواردگه شه بر په برزین تواری گشت.
 شه وت کرتن:

په ایشی که عزتمندین معلم په وت مالوم بکننت که بارین واندگ سبخا په شری هیل زرتگنت آگه نه شه آوان لهتین جسته کنت، پسوانا کوشکننت، سوگه و راهشونیه کنت. و هم په ایشی که واندگانی لکنتی مهارتا پرواک بکننت په لکتنا چنت جمله په آوان گشیت.

کسویین کار: عزتمندین معلم واندگانا سوگه کنت که ای سبخی اولی بارا به وتی کتابچهان بلکننت.



خشمی وارتن

مخسد:

- * وانندگ سبځا بواننت و بلکنټ.
- * خشمی وارتنی مانا بزانت.
- * وټرا به خشمی وارتن هیل دینت.

جست:

- ۱ - خشم چیا شنت؟
- ۲ - خشم جوان انت یا گندگ؟
- ۳ - خشمی وارتن چه پایدگی داریت؟
- ۴ - خشمی گندگین آسر چی انت؟
- ۵ - بنیادمانی دود وریدگی سرا خشم چونین اثری داریت؟

بُنیادم باید انت به وتی زندگی مچین باران شه حوصلا کار بگیت، آگه گون سکی و سوری و تالی و ترشپیی دیم په دیمه بیت، وتی سرا واک و اوند بیت و خشمایک پانادابلیت، په کراری و حوصله سکیا بحلاینیت. ای هبرا بزانت که خشم جوانین آسر و نتیجی نه داریت بلی خشمی وارتن باز کتوکین آسر و نتیجی داریت.

خشم آگه لوگی تها بیت، کهولئ باسکانی میانجینا، سکی و سوری ودیه کنت، مهر و محبتی رابطا سندیت و بدبری و بی باوری ودیه کنت، آگه به راجی تها بیت شه دوکومی میانجینا دوستیا زیانه کنت و جاگهی بدواهی و دشمنی ودیه کنت. آگه ای اچ مان یک دمگی روک بوت اودا



کشوکن مرو جنگ و ديه بيت که ایرمات کنگی سک انت، آسری ایش که خشم مزین دیمحونی گیت.

گونداایش که خشم بالا دستی و چیر دستی، هلگر کنگ و پل ولت، و گلام وواز دارکنگی وسیله و بی ورین دست دراجیی سببه بیت که بنیادمانی گوستگین دیرین کار و زحمت و ارخ ریچانی دستا آتگین دودو دستور و رییدگ یک هوگارنت.

یکی شه خشمی گیش بوگی سببان ایش انت که مردم گون ویلین و ناسر پدین کسان نشت و نیاد داشتگ بیت، آمردمی که شه بد بری، کینگ و دشمنیابید دگه کاسیی نه دارنت و انچین کردار و سلوکه کنت که دگرانی درا و چیرین بدبری سببه بنت و آوانا خشمینه کنت. آگه خشمی وارتنی جوانین سلوک، به میانجینا مه بیت، هبر به چچری بوتن و دست به زنجک بوتنا رسیت.

اسلامی پاکین دین په خشمی ایر برتنا بازسوگه کنت، گشتت روچی یک مردمی شه اسلامی مزین پیغمبر حضرت محمد ﷺ لوت که آیرا نصیحتی بکنت. اسلامی مزین راهشون دیوک پرمات: [وتی خشما بور]. آمرد چنت وار وتی ای سوچا پد به پد به دپا آورت، مگه به وتی پسوا همایکین هبرا اوشکت که وتی خشما بور، شه ایشی روش و درا بیت که خشم بازگندگین کرداری انت که بازین سکی و سوری وید بری وچپ بوتنایی سببه بیت.

آگه راج دپترانی تاکدیمانا، بچارن و بوانن په اماروش و درا بیت که خشم و غضب باز سکینا به میانجینا آورته و آدمیانی ترخی و دیما روگانی مزین هستینا سوته و حاک و پُر کرته، خشمی گندگی آنکس انت که براسداری و سیالداریی رابطانا، شه میانجینا زرته و سسسته و جاگیش خیانت، بیرانی و کشت و کوشاگیش کرتگیت. کسانین زاگابی پس و ماس، ماسی را بی زاگ، جنی را جنوزام و بی سرپرست و به کهولانی تها سکیی ودی کرته که جن و مردی سون و جتایی وج بوته و آگه اما گندن که به یک جاگه و هندی بازین آبایی بیران و دلیتگیت سببی همی ویلین خشم و عضبی لمبوکین آچش بوتگنت.

خشم هما چیرین آچشا که به ظالمین مردمانی دلی تها انت و آیی رگ و روتگا سوچیت



گواته جنت و لمبوکه کنت و آیرا به ایشی اره کنت که شه کسانین سکیی که په هبر هم حلاینتگ بوتگه کنت باز توین سکی و جیره یی ودی بیت و تا آحدا دیما بروت که علاجی شه واکا در بیت.

خشم شه وت وروپی حالت داریت، کسی راگندی که آگه به وتی مخسد و واهگا، نه رست حوصلا زیانه کنت ویلا هکل و کوکاره کنت، هرورپی ویلین و پوچین هبرکه به دپی بیت دنت، په هیچیا ریه نه جنت و چه رگی که بچاری زرد و سوره گردیت.

لهتین دگه انت که آگه په آوان ورگ و خوت دیر تر رست خشمین بنت وهکل و کوکاره کننت و یک شیمین شیمنی گرت. مزنی گشیت:

پرواک و زوردار آنه انت که دگری را واپینیت و پشتی زیلی به دگارا جنت، پرواک و زوردار هما انت که وتی خشما وارت و وتی سرا واک داریت.

هما که گون سکی و سوری دیم په دیمه بنت و وتی سرا واک و دیه کننت و شه خشم و غضبا دوریه کرته و په حوصله سکیا حلاینت جوانین آسر و نتیجی گرت و وتی مزنین پیغمبری راهشونیا تسره رسینت هچبر تاوانه نه گندنت.

انچین کس هم دیستگ بوتگیت، که شه دگری لوپیت په آبی کاری تسر کنت، آگه ای کارا کرت یا نه کرت باز زوتی خشمینه بیت، شه دپی پوچین هبردره بیت، هبر دانتی ادبا شه هوشا بارت، ویل و بی تاملین هبر که شه انساننی شانا در انت دنت که ایش وت خشمی نشان انت، رد و بدی گشگی آسردشمنی و بدبری انت، آگه لوپتی کسی گون ته په گندگی سرمه زوریت وشه ته زار مه بیت و به تی تاوان رسینگی پکر و خیالا مه بیت، جوان ایش انت که وتی خشما به وده و وختی بورئ و سارو هوشا به سرا داشتگ بی که ویلین و پوچین هبری شه دپا در مه کنی که نتیجه و آسری گندگ بیت و دگری را بتورینیت.

همیکه کسی خشمینه بیت، چو گنوکی نه زانت که چیوه شیت و چیوه کنت، پمیشا گشت: قاضی که خشمین بوت، گهتر انت قضاوت مه کنت، پرچی که به خشم و غضبی وهدا په شری قضاوت کرتگه نه کنت و خشم آیرا شه په عدلین قضاوت کنگا چوتپه بارت. ایش خداوند ﷻ



حکم انت که وتی خشما بورت و شه خشم و غضبا پهریزت. اسلامی مزین پیغمبر حضرت محمد ﷺ گشتگیت: آکسیکه وتی خشما وارت ویره نه گیت آی جاگه بی جا نه بیت و قیامتی روچا خدا آی بازین گناها بخشاییت و شرین اجری دنتی.

معلمی تیچ وتاگ:

* دیما شه نوکین سبخئی بنا کرتنا، شه وانندگان هماسکین دیوکین جستانا سوچه کنت، که به سبخئی برزگا لکتگ بوتگنت.

* شه وانندگان لویتیت که سبخئی وانگی وهدا وتی کتابانی دیما بچارنت ویشکننت، وت سبخا په برزین تواری وانیت، نوکین گالاناگون مانایش به تختی دیما لکیت.

* په وانندگانی اوشکتنا کسانین مطلبی گشیت، گشتگین مطلبی باروا شه آوان لهتین جسته کنت، لویتیت که سی وانندگ چیزیکه دیما شه جستان اوشکتگنت یکواردگه شه برپه برزین تواری بگشتنت.

وانندگانی تیچ وتاگ:

* به سی بارا هرباری په خشمی ایر برتنی پایدگی بارا هیره دینت.

* چیزیکه معلم په اوشکتنا گشیت کوشکننت، جستانی پسوا دینت و سی وانندگ چیزی که دیما شه جستان اوشکتته یکواردگه شه بر په برزین تواری گشتنت.

شه وت کرتن:

عزتمندین معلم په ایشی که مالوم بکنت که بارین وانندگ سبخا په شری هیل زرتگنت آگه نه شه آوان لهتین جسته کنت، پسوانا کوشکننت، سوگه و راهشونیه کنت.

کسویین کار: واجین معلم راهشونی و سوگه کنت که خشمی گندگین آسری باروا
۴ کشکی کاسا نمشتانکی بکنت.



امانت ساتوکی

مخسد:

- * وانندگ سبخابواننت وبلکنت.
- * امانت ساتوکی کدرا بزانتت.
- * وتراگون امانت ساتوکیا هیل بدینت.

جست:

- ۱- امانت ساتوکی چیا شنت؟
- ۲- کسی تا انون چیزی به شمیا امانت اشتگیت؟ چون ساتتگت.
- ۳- شما تا انون چیزی کسیا امانت اشتگت؟ چون ساتتگیت.

یکی شه اسلامی پاکین دینی سوگه وجختان، ایش انت که مسلمان باید انت، امانت ساتوک بنت و هر چیزیکه شه دگرئ نیمگا به امیا امانت اشتگه بیت، په آیی په جوانین ساتنا دلگوش بکنن وامانتا هما رازیکه به اما دانگه بیت دُرا و سلامت بساتن و شه آیی مه زورن، به ای بارا امی مزین راهشون حضرت محمد ﷺ امانت ساتوکی په اما جوانین درور و چیدگ انت که وتی راهی چراگی ورا زانته ودگرئ امانتا په شری بساتن.

به امی مردمانی میانجینا ای متل و گالوار داب انت که گشت: امانتا حاک خیانتته نه کنت و پراستی چوش هم انت، باز واران دیستگ بوته وهدی که کسی جای روت و آدگه آیرا درسته نه کنتت و په جا نیارنت، وهدی که روچی پوره بنت و ملکوت ساهیه گیت و مریت، شه آیی وتیان کسی به سرئ چیری نه انت، دگه تاوهدی که آیی درستی و وارث ودیه بنت آیرا امانت به حاکا کلنت، دگه حاک ای امانتا خیانتته نه کنت وسایتت.



مردم وتی امانتا به کسی سرا که باور دارنت کلنت و دلجمی دارنت که آوانی ای امانت په شری ساتتگه بیت، امانتی ساتن آنکس کدر داریت که به قرآن مجیدا امانتی ساتن یات بوتگیت و سوگه کرتگ بوته که امانتا په شری بساتت و به وهده و وختی پدوارگ بدیت و امانت داری و امانت ساتنا شه مسلمانانی جوانین و نیکین خووتبان زانت.

گیشترکی مردم وتی مال و آل، ازباب و وسیله وزرا امانته کلنت، انچو همه بیت که کسی اړ بیت که په کاری تسررسینگا گون وتی کهول و بال و بچان په چنت روچی یک سون و نیمگی بروت و به ایشی اړ بیت که وتی گس و یا مالا نا به دگریا امانت بلیت. هما مردمیکه ای باور به سړی بوته و چیزی به آیا امانت اشتگ بوته باید انت شه سدک دل امانتی ساتنا وتی وظیفه بزانت و آیراپه شری بساتیت.

آگه کسی مردمیا زر امانته کلیت، امانت ساتوک نه باید انت بید امانتی و اوندی ازم و موکلا شه ای زران کت بگیت و همیکه امانتی و اوند دیمه گردینیت و وتی امانتا لویت بیدی کمی و تاوانی آیی امانتا پوره پدوارگ بدنت.

اسلامی مزین پیغمبر دیمما شه ایشی که گون بی بی خدیجه (رض) گس بکنت به آیی دیمما باز باور ودی کرت، پمیشا آیی بازین زر و سرمایه و بگی اشترا حضرت محمد ﷺ دات و آیرا وتی وکیل گپت که گون آیی زر و مالا سوداگری بکنت، خدای رسول هر سونی که دیمه گردینت و هر نیمگی که شت و کات شه پاکین نیت و ارادی که داشت به سوداگری بازین پایدگ و کتی به دستا کاورت و په بی بی خدیجه (رض) رسینت.

اما که اسلامی مزین پیغمبر حضرت محمد ﷺ پدروک و امت ان و آیی نیکین کردار امی راهشون انت، باید امانت ساتوکی کدرا بزانت و آگه کسی به امیا چیزی امانته کلیت، امانتا په شری بساتن و به وهده و وختی پدوارگ و اوندی بدین. معلمی تچ و تاگ:

* نوکین سبخی سرگالا که امانت ساتوکی انت به تختی دیمما لکیت و دیمما شه سبخا شه وانندگان سکین دیوکین جستانا که به سبخی برزگا لکتگ بوتگنت سوجه کنت. شه وانندگان لویت وتی



کتابانی دیما بچارنت و بشکننت، وت سبخا په برزین تواری وانیت، نوکین گالاناگون مانایش به تختی دیما لکیت.

* لویت دو وانندگ سبخا په رون په برزین تواری بوانت.

* شه وانندگان لویت سبخا بیتواری بوانت و جایکه نه زانت سوچ کننت.

* په وانندگانی اوشکتنا مطلبی گشیت، اوشکتگین مطلبی بارواشه آوان جسته کنت.

* شه سی وانندگا لویت که په رون چیزیکه دیما شه جستان اوشکتگت یکواردگه شه بر په برزین تواری بگشنت.

وانندگانی تچ و تاگ:

* دو وانندگ گوستگین سبخا په برزین تواری واننت.

* سکین دیوکین جستانا کوشکننت، پسوانی پکرا بنت، معلمی تواری که سبخا برزه وانیت کوشکننت، نوکین گالاناگون مانایش شه تختی دیما به وتی کتابچهان لکنت.

* دو وانندگ سبخا په رون په برزین تواری واننت.

* مچین وانندگ سبخا بیتوار (کرار) واننت، جایکه نه زانت جسته کننت.

* چیزیکه معلم گشیت کوشکننت.

* اوشکتگین مطلبی باروا جستانی پسوا گشنت.

* سی وانندگ په رون چیزیکه دیما شه جستان اوشکتگه یکواردگه شه بر په برزین تواری گشیت.

شه وت کرتن: عزتمندین معلم په ایشی که شه وت بکنت که بارین وانندگ سبخا په شری هیل زرتگت آگه نه شه آوان لهتین جسته کنت، پسوانا کوشکننت، سوگه وراهشونیه کنت، همی راز په وانندگانی لکتی مهارتی پرواک کرتنا په آوان چنت جمله گشیت.

کسویین کار: عزتمندین معلم وانندگانا سوگه کنت که ای سبخا بوانت و چیزیکه شه آبی هیل زرتگت کاسی پنچ کشکا به وتی کتابچهان بلکنت.



انارئ دانگ



مخسد:

- * وانندگ سبڻا بوانتت وبلڪنت.
- * نوڪين گالانى مانا بزانتت.
- * شاعرئ جذبگ و مارگا به پيرين باگوانى زحمتان بزانتت.
- * په انچين شيرانى گشتنا سرو دل ودى ڪنتت و شوقمند بنت.

جست:

- * ڪاروزحمتئ ڪدرئ باروا شيرئ اوشڪتگت؟
- * بش وزول ودار و درچڪ ڪي ڪارئ سٽ و برڪت انت؟
- * آگه به وتي ورناييا زحمت ڪشته و نيال و درچڪي مزن ڪرته ورودينته و انون پيرومزن انت شه اما چيه لوتيت؟
- * آگه اما مروچي په درچڪ و نيالانى ساتنا ڪوشست ڪنن چون انت؟



چیا پرنجی
 ای سورین دانگان
 ای سورین دانگ انت
 سورین اناری پُر شه آبا دانگ انت سورین
 نه انت هنی
 توزانا سورکنی دستان په مستی شادیی روچان
 نه انت هنی هون انت
 ای بی وسین پیره مردین باگوانی تنکین هون
 تنکین هون
 بلی سورین
 نه ونت هنی، ای هون انت باگوانی هون
 بزگین پیرین
 مه پرنج ای دانگان سورین
 که چو لالا ترینت برشکنت
 اناری دانگ انت سورین، شه هونا پُرسور انت
 مه پرورش نازرکین اِپالانا !!
 مه لټار کاگدین بلگان
 مه پرنج ای دانگان سورین
 نه ونت هنی
 ای هون انت
 پیرمردین باگوانی تنکین هون
 وتی هونان تنک کرته





که ای توبنت مزن بنت
بنندی سایگی چیری
ای بی وس وای بی کسا
شپانی کچ کته دراجین سارتین زمستانی
گون لوچین جان، شپادین پاد
درستین شپ چم گون استاران
هزارگشتان ای بی وسا
ای ناوسا
وتی درچکانا آپ داته
سرینی چوپت وراست بوته
جتگ بیلا و آپ بسته
ای دراچانا
گون ای راز و ای پیما
رودینته و توکرته
په ای رنگا وتی هوناناآپ کرته و تاجینته
ای سورین دانگان که چو لالا ترینت، برشکنت و خندان انت
ای نه انت هنی ای هون انت
پیره مردین باگوانی هون
تنکین هون
که مان گیتته ورودینته و توکرته
ای سورین دانگان
که چو لالا ترینت، برشکنت و خندان انت



مه پرنچ ای دانگان سورین

نه انت هنی

ای سورین دانگ انت سورین اناری، پُرشه آپا دانگ انت سورین

مه کتین روچان ایشانی

بل چارروچ دگه برشکنت و خندان بنت

که پیرین باگوان وش بیت بگندی وت گون وتی چمان

چیا؟

گون ناز رودینته تو کرته ای لاله ی دانگان سورین

که ته کنی آماچ وتی مستیی روچانی

وتی شایبیتی پاسانی

آه وصد ارمان ! !

زاری زار په ای روچان و ای پاسان

که هون آدمی چکی بهابیت چنکس ارزان

آجو (بلوچ)

گال بزانت

ترینت بلبنت

برشکنت گروکه ورنٹ

آدمی چکی آدمی زاگی

اٹالانا باشلوکانا

لٹار لگت موش

شپادین پاد لوچین پاد



معلمی تیج و تاگ:

* نوکین سبخی سرگالا که اناری دانگ انت به تختی دیما لکیت و شه وانندگان دیما سکین دیوکین جستانا سوچه کنت که به سبخی برزگا لکتگ بوتگنت.

* شه وانندگان لوپیت وتی کتابانی دیما بچارنت، بشکننت، وت سبخا په برزین تواری وانیت، نوکین گالاناگون مانایش به تختی دیما لکیت.

* شه دو وانندگا لوپیت که نوکین سبخا په رون شه کتابی دیما بواننت.

* په وانندگانی اوشکتنا مطلبی گشیت، اوشکتگین مطلبی باروا شه آوان جسته کنت، شه سی وانندگا لوپیت که چیزیکه اوشکتگنت شه بر په رون بگشت.

وانندگانی تیج و تاگ:

* معلمی هبرانا کوشکننت، گسویین کاری کتابچهانا نشانه دینت.

* معلمی تواری که سبخا برزه وانیت کوشکننت ونوکین گالاناگون مانایش شه تختی دیما زورنت.

* چیزیکه معلم گشیت کوشکننت، جستانی پسوا دینت و سی وانندگ په رون چیزیکه اوشکتته شه بر په برزین تواری گشت.

شه وت کرتن:

عزتمندین معلم په ایشی که شه وت بکنت که بارین وانندگ سبخا په شری هیل زرتگنت آگه نه شه آوان لهتین جسته کنت، پسوانا کوشکننت. په وانندگانی لکتنی مهارتی پرواک کرتنا چنت جمله په آوانی لکتناگشیت.

گسویین کار: عزتمندین معلم وانندگانا سوگه کنت که اناری دانگی شیرئ مانا کسانین ډولی به وتی کتابچهانا بلکننت.



بادهوایی گندگی

مخسد:

- * وانندگ سبځا بواننت وبلکنت.
- * شه بادهوایی گندگیا سی بنت.
- * وترا شه بادهواییا بسانتت.

جست:

- ۱ - بادهوایی و کبرچونین خو وتبی انت؟
- ۲ - بادهوایی زیان کنگی راه گجام انت؟
- ۳ - آگه کسی را درسته کنت که بادهواییه کنت باروی هبر داتگه کنت؟

سرا بزانتن که بادهوایی چیا شنت؟ رندا آهسری باروی هبر بدین. باد هوایی وکبری یک انچین حالتی انت که بنیادم وترا وتی دیما ووتی پوستی تنها شه دگران ټو و مزن تره زانت، بادهوایی علامه ونشان شه مردمی ډولا یعنی روگ و آیک، گپ و هبر کرتن، و جال و برز بوتنا درابیت. همیکه مردم به وت کمالی دیست و چوش گت کرت که ای کمالا دگری نه داریت ویا آگه داریت کمتر انت، گلپان آبه حالتی رسیت که وترا شه دگران دیمترو برزتره زانت، پمیشا دگه حالتی سریه کیت که وترا برز بها بکنت و وترا پسند بکنت.

لهتین وهده بادهوایی به اصل و نسبا برگردیت، چوکه کسی بگشیت: من.... زاگون منی پس کومی کماش و مزن انت، یا سرکاریین برزین منصبی واوند انت، نوک و دی بوتگین موټری داریت یا انچین مردی که شه دگران، براهدارترووش ترین، ډول ودروشمی داریت، یا



که نه زانین بالادی برزانت، پمیشا دگه به چمی کمه کاینت و به وتی منا آوانا کم یا په سبکین چمی گندیت و وترا واک و توکی و اووند و دگرانابی وس، بد راز و چیردست پکره کنت ادا انت که باد هواییه بیت.

باد هوایی و کبردگه بازین سبب هم داریت که مچانی بن چمگ یکی انت و آیش انت که بنیادم په وت کمالی جور کنت و دگراناشه وت کستر و بی کمال بزانت و نه من بیت، دیستگ بوتگیت دو ورناییکه صنفی تها پاناد به پاناد نشتگنت و یک بُنگالی سراگپ و هبر کرتگنت، یکی شه آوان آدگری هبرا، نه منتگیت ووترا سرپید تر زانتگیت و آدگه په کستکا آیی جوانین وشرین هبرا، نه منتگیت و آیرا بد و ردگشتگیت. به میانجینش تالی و شوری ودی بوته و هبری پیسلا په وتی معلما کلنت. همی که معلم صنفی تها آته و هبراشه آیی سوچ کرتگنت، دگه هما که هبری گون معلمی کولا نزنیک و بربر بوتگیت و ترا سرپیدتر و توتر پکر کرته و شه بادهوایی و کبرا به هوا بال کرتگیت.

بادهوایی شه کاسبی و هنرا هم و دیه بیت، شیره زالی زی وگپدانی را شریا زانت و په شری هورت دوچیه کنت، نام و توار برزه بیت، کسی قانون زانتی، شه قانونا سردره کاریت و جوان و په کشین کا گدوعریضه لکیت و به وتی جاگه و سیمما میرزای ناما یانه بیت. دگری موپرانا په شری جوره کنت و عییش گیت، ای مچین کارا په وته کنت، مگه تهیش لهتین و دیه بیت که بادهوایی و کبره کنت و وتی کاسبی و هنرا به دگرانی سرا برزبها کنت، ای رازی مردم سادگ انت و نه زانت که آوانی کمال به دگرانی کمال و هنری دیما سک کسان انت و نه کرزیت که و ترا شه دگران مستر بزانت و باد هوایی و کبر بکننت، که ایش وت ناسریدی نشان انت و آوانی نازانتیا درشان کنت و مردما به دگرانی دیما سبک و کمه کاریت، کبر مردمی اعتبارا جاله کاریت.

انون که گون بادهوایی نخس و تاوانان درستی بوتن، باید به علاج کرتنی پکری بن. یکی شه بادهوایی گارکنگی علاجان که بن خشت زانتگه بیت وانگ وزانگ انت که بنیادمانی مجگانی تها علمی روشنی رسینوک زانتگه بیت، هما که ناسرید تر و کم علم انت آیی بادهوایی گیشتر انت و هما که عالم ترانت شه باد هواییا دور ترانت ووترا دگرانی کستر زانت و مدام وتی مزانی



راهشونی و کردارانا وتی راهی چراگ زاننت.

اسلامی مزین پیغمبر حضرت محمد ﷺ مدام سادگین زندگی داشت و گون ار و محتاجان مدت و دستگیریه کرت، سرآیکه برزین جاگه و مقامی واوند ات و ترا شه دگران برز تره نه زانت و وهدی که گون وتی یار و دوستان به دیوان و مجلسات به خاصین جاگهی نه نشت و آگه نادرستین مردم به آیا کاری بداشتیننت، په آیی دیدنا کانتت و شه دگران سوچه کرتنت که حضرت پیغمبر ﷺ گجام انت. دگه مردم آیرا نشانه دانتت. حضرت محمد ﷺ به وتی عمرا کسی را گندگین هبری نه داته و بیهودگین هبر نه گشتگیت و په برزین تواری نه هندته و سُبکین کرداری تسرنه کرتگیت.

امی مزین پیغمبری ای نیکین برزین صفت مچین مسلمانانی راهی چراگ انت و مسلمان کوشست و تلواسگه کنتت که پورهین پیمی آیی پدروکیا بکننت و و ترا شه هر رازی کبر و بادهواییا دور بسانتت.

معلمی تچ و تاگ:

* شه دو وانندگا لوپیت گوستگین روچی سبخی یک یک بارا په برزین تواری بواننت.

* نوکین سبخی سرگالا به تختی دیما لکیت و دیما شه سبخا شه وانندگان سکین دیوکین جستانا که به سبخی برزگا لکتگ بوتگنت سوچه کنتت که وانندگانی پکرا به سبخا بگردینیت.

* شه وانندگان لوپیت وتی کتابی دیما بچارنت، بشکننت، وت سبخا په برزین تواری وانیت و نوکین گالاناگون مانایش به تختی دیما لکیت.

* شه دو وانندگا لوپیت که په رون سبخا په برزین تواری بواننت.

* په وانندگانی اوشکنا مطلبی گشیت. اوشکتگین مطلبی باروا جسته کنت. شه سی وانندگا لوپیت چیزیکه دیما شه جستانا اوشکتگنت یکواری دگه شه بر په برزین تواری بگشنت. وانندگانی تچ و تاگ:

* سکین دیوکین جستانا که معلم سوچه کنتت کوشکننت و به پسوانی پکرا بنت.

* معلمی تواری که سبخا برزه وانیت کوشکننت و نوکین گالاناگون مانایش شه تختی دیما به وتی کتابچهان زورنت.



* دو وانندگ سبځا په رون په برزین تواری وایت.

* هما مطلباً که معلم په آوان گشیت کوشکننت، جستانی پسوا گشت و سئ وانندگ شه
برچیزیکه اوشکته په برزین تواری گشیت.

شه وت کرتن:

معلم په ایشی که مالوم بکننت که بارین وانندگ سبځا په شری هیل زرتگنت آگه نه شه آوان
لهتین جستته کنت، پسوانا کوشکننت، سوگه وراهشونیه کنت.

کسویین کار: عزتمندین معلم سوگه کنت که ای سبځی مانا کسانین ډولی ۷
کشکی کاسا به وتی کتابچهان بلکننت.



موزیمی کدری زانتن



مخسد:

- * واننگ سبڻا بواننت و بلڪنت.
- * موزیمی کدرا بزانتن.
- * گوستگین کهنین و غدیمین جاگه وھندانی کدرا بزانتن.

جست:

- ۱- موزیم چه کدری دارنت؟
- ۲- موزیمانی چیزانی ساتن کی وظیفه انت؟
- ۳- آگه به وتی ده و هلکانی نزنکیا غدیمین چیزی گندن چون کنن؟



هرملتی شه وت کهنن گوستگی راجدپتر و دود و ریدگی واوند انت، همی ملتئ دود و ریدگ و راجدپترئ په جاه آورتن شه آبی دیرین گوستگ ووهده و پاسا سی وسرید بوتن و آبی دیرین کهنن منتگین یاتگار چو جور کرتگین غدیمین اثر، شکل وډول، کهنن ماری، لویی و کاسگ، زام و سگار آوهده و پاسانی دود و دابانی دگه وپورئ لک و تروک و وسیله، نیستگ بوتگین پوست و کاگد و دگه ایش مچین کهنن گلد و میراث انت که شه بازین کرن و پیربان منتگنت، ایش شه جتا جتاین سببان به غدیمین کهنن آباتیانی تنها به حاکانی چیرئ لوپین جاگهان منتگنت که آوانی در آورتن هرکسی کاری نه انت بلکین تانکا دانندگ و زانتکار ای چیرمنتگین چیزانا ودی و شه دک و غدیمین خرابهانی دلا کشتگه کننت.

په ایشی که گوستگین دور و باریانی منتگین پر بهاین گلد و میراث گار و زیان مه بنت په آوانی ساتنا باز دلگوشه بیت، که همایکه کسان و شه یک جاگهی به دگه جاگهبرتگه بنت په آوان موزیم جور بوته و همایکه برتنی ورنه انت به هما جایکه انت ساتتگه بنت.

امی عزیزین وطن افغانستانی کهنن یاتگاریین جاگه که در شه موزیما به وتی هماغدیمین جاگهان انت و په هرکسابی مپ و بی مثالین دیستنئ وړئ جاگه انت ایش انت: کابلی شیردروازی کوهی سرئ برزین پسیل (دیوال)، بامیانی ولایتی بودایی بُت، کندوزی ولایتی آبی خانمی بُت، ننگرهاری هده یی یاتگار، هرات و غوری ولایتی منار، بلخی شار و دروازگ، هلمندی ولایتی بُستی کلات، کندهاری ولایتی چل زینگ، نیمروزی ولایتی سار وتار (غلغلی شار) و بازین دگه... ای مچین امی وطنی سرپاچین موزیم گشتگه بنت که آوانی ساتن امی مچانی یگجایین وظیفه انت، امی دود و ریدگی بدوا شه لهتینانی ناسرپدیا کپ گپته وپه وتی شومین مخسدانی رسگا گون کمین زری بازین اثرانا زیته و درملکان په غچاغی (دزی و چیرکایی) برتگنت و گون امی سرپاچین موزیمان هم سکین دشمنی کرتنت و بامیانی بتاناکه بالادش ۵۳ مترارست ډالیننت، دگه موزیمانانا هول کرتنت که هچبر انچین بی توری نه بوت.

موزیم اصلا دو ډول انت.



۱- سردرا و مالوم.

۲ - چیر

سردرا و مالوم: هما انت که دیمترا نامش گپتگ بوت.

چیر: هما انت که ماریانی تنها نچین داتگ بوتگنت و آهم سی ورا انت:

۱- دستی جوړ کرتگین اثرچو:

کسانین اثر، گسی (لوگی) ډیل وبرا هی لک و تروک.

۲ - کهنین آکتاب و سیایگانی موزیم که گون دستان لیکته بوتگنت و کرانش نکش و براه دار کرتگ بوتگیت که سیایگ و کاگدانی دیما یا پوستانی سرا لکتگ یا کاشی و سنگانی سرا سیایگ و نکش بوتگنت چو کابلی ملیین آرشیفا.

۳- کابلی ملیین گالری که ادا شکل و رازیکه نکش بوتگنت ساتگ بنت وهمی ورا گوری پچ و لیبسانی موزیم انت.

کابلی موزیم شه وړ وړی بازین اثرانی دارگی سببا به ای سیم ودمگی مُلکان بی مپ انت، افغانستانی اسلامیین جمهوریی دولت گون ملل متحدی یونسکوی مددا چیزی شه پلنگین اثرانا و دی کرتگیت، پُدوارگ به وطن اورتگیت و به موزیما اشته. سری بازین بی توریان که به چنتی سالان گون امی تاریخین کهنین اثرانی موزیمان بوته، انگته هم امی وطن، شه ریدگین کهنین خزانگ و ناپاین گنجان پرانت، که ایشانی ساتن و خوندی کرتن سرکار ومچین هموطنانی زمه واری انت، ایش مچانسی وظیفه انت که وتی تاریخی پر بالگین گوستگین دور وباریانی پر بهاین اثرانا که په اماگلد و میرائی ورا منتگنت آوانی کدرا بزنان و په وتی آیوکین نبیرگ و اوبادگان بساتن. آگه به لوگا کهنین سکه (زر)، کوزگ، قلمیین کتاب و دگه چیزی که تاریخین گوستگی بدارنت داشتگ بن، آوانا به موزیمان برسینن که اودا په جوانی ساتگه بنت. وتی ملیین زمه واریا په شری تسر کرتگن. همی راز هچبر به غدیمیین جاگهان که اودا کهنین چیزانی بوتنی گته بیت، شه وتی دیما، و تسر کرم و کود مه سندن، بزنان که تاریخین کهنین اثرانی و دی کرتن و شه حاکا در کرتن و ساتن امی کار نه انت. آگه گندن که کسی وت سر و چیرکایی ای کارا



کنت، آیرا میلن و بگشن که منی براس ای کار منی و تی نه انت.
معلمی تیچ تاگ:

* سبخی سرگالا که موزیم انت به تختی دیما لکیت و په وانندگانی پکری نرینک کرتنا شه آوان
سکین دیوکین جسته کنت.

* سبخا په برزین تواری وانیت، نوکین گالاناگون مانایش به تختی دیما لکیت.
شه دو وانندگا لویتت که سبخا په برزین تواری بوانت.

وانندگانی تیچ و تاگ:

* معلمی هبراناکوشکننت، گسویین کاری کتابچهانا په چارتنا به میزانی سرا کلنت، وتی هوشا
به معلمی سوگه وراهشونیان گرت.

* دووانندگ گوستگین سبخا په برزین تواری وانیت.

* سبخا هیل زورنت ونوکین گالاناگون مانایش شه تختی دیما به کتابچه لکنت.
چیزیکه معلم گشیت کوشکننت، جستانی پسوا دینت.

شه وت کرتن:

* معلم په ایشی که شه وت بکنت که بارین وانندگ سبخا جوان هیل زرتگنت شه آوان لهتین
جسته کنت، پسواناکوشکننت، سوگه وراهشونیش کنت.

گسویین کار:

شمی هرگجامی په امی شار امی گس انت ۷ باروا پنچ کیشک به وتی کتابچهان بلکت.



ویل خرچی

مخسد:

- * وانډگ سبڅا بواننت و بلکنټ.
- * ویلین خرچ کنگی تاوانا بزانت.
- * به ویلین خرچی جاگها پسان کرتنی پکرا بنت.

جست:

- ۱ - ویلین خرچ کنگ کټ داریت یا تاوان؟
- ۲ - آگه ویلین خرچ کنگی جاگها به پسان کرتنی پکرا بن چونه بیت؟
- ۳ - ویل خرچی خوگرگی یا چون انت؟

ویلین خرچ کنگ ایش انت که کسی در شه اړ و لوټگا چیزی خرچ بکنټ، ایش خرچ کنگ نه انت بلکین گون اسرافا هم وړ و هم کوپگ انت، پو و سرید هما انت که به ای بارا دلگوش کرته و نه تانکا ایش که ویلا خرچه نه کنت بلکین پسانه کنت و نه لوټیت که یک افغانی ویلا خرچ بیت. انچایک افغانی زری حساب نه کیت که کسی چمی دیما بگیت بلی آگه هپتگ، ماه، سال و ده سالی پسان کرتگ ویگجانز آورتگ بنت و یکوارا حساب کرتگ بنت بازین زریه بنت و به وختی مزین اړ و ضرورتی دیماگپتگه کنت.

شه ویل خرچی وړ و ډولان ادا مثالی را بیان کن، مرید ورناین وانډگی انت به وتی کیتوا مبابلی گون وت چاره دنت که وتی اړو ضرورتا بوجیت، همیکه سهیه بیت که به شارا نوکین ډولئ مبابل آته په ډیل و چم هم چمی خاطر اای ډیلی ټکر شه نوک آتگین مبابلان زینت و وت هم جوان زانت و گندیت که هما دیمی یکین هم آبی اړا بوجتگه کرت، دگه ایش روش



ودراین ویل خرچی زانتگه بیت.

آباید پکر کنت که آگه وت ای زرانا کار نه داریت، به لوگی تها دگری کارداریت و آگه هیچکسا کار نه انت دگه په وتی هلکی مسیت و یا مکتبی آبایا کمک بکنت، یا یک خوار و بی وسی را کمک بدنت، بی ماس و پسین یتیم و یا جنوزامی را دستگیری بکنت و یک شل ولکی را مدد بکنت، یعنی انچین کاری بیت که گون وت و دگران کمک بیت.

ویل و ناخستین خرچ کنگ، و ترا به چم همچمی که جوانین آسر و نتیجی نداریت گون کرتن شر نه انت، باید انسان باز دورا پکر کنت و بزانت که مدام به یک حالا نه انت، وهدی که زر و هستیی و اوند انت باید و ترا زیان مه کنت و وتی ایشک و آشکی حک و حکدارو نادار و بیوسانا شه هوشا مه بارت و ای رازی راه سلوکی به دیما بگیت که باندی روچا شومانی مه کشیت.

اسلامی پاکین دین که هرهدا اما را به جوانین و نیکن کاران راه نشان دیوکی و سوگه کنت و شه ناوړ و ویلین کرداران منع کنت اسرافا گندگه شیت و نه لوپیت که کسی اسراف بکنت و مدام سوگه کنت که اسراف و ویل خرچی مه کنت و نعمتانا ویلاشه دستا مه دیت.

گون ای حکیکتی زانتنا، که هستی و نعمتانی ویلین شه دستا داتن و خرچ کرتن شر نه انت و میانین خرچ کنگی راه سلوکی بدیما گپتن و به کتوک و خیرین کاران، خرچ کنگ تاوانی نه داریت باید شه هما چیزان که دارن په بود و جوانی خرچ کنن که به دگه و هده وپاسی گون سکی و تنک دستی دیم په دیم مه بین.

معلمی تچ و تاگ:

* نوکین سبخی سرگالا به تختی دیما لکیت و شه وانندگان سبخی سکین دیوکین جستانا سوجه کنت.

* شه وانندگان لوپیت که وتی کتابانی دیما بچارنت و بشکننت، وت سبخا په برزین تواری وانیت و نوکین گالانا گون مانایش به تختی دیما لکیت.

* لوپیت که دو وانندگ په رون ای سبخا په برزین تواری بواننت.



* وانندگان سئ باره كنت كه گون وت په ويل خرچيى تاوانى باروا هبر بدينت.
* په واندگانى اوشكتنا مطلبى گشيت.

واندگانى تچ وتاگ:

* سكين ديوکين جستاناكوشکننت، به پسوانى پکرا بنت.

* معلمى توارا كه سبخا برزه وانيت كوشکننت و نوکين گالاناگون مانايش شه تختى ديما به وتى
کتاچهان لکننت.

* دو وانندگ سبخا په برزين تواری واننت.

* چيزيکه معلم په اوشكتنا گشيت په باز دلگوش كوشکننت.

* په اوشكتگين مطلبى باروا جستانى پسوا گشت.

* سئ وانندگ په وار چيزيکه ديما شه جستانا اوشكته يکواردگه شه بر په برزين تواری گشت.
شه وت کرتن:

عزتمدين معلم په ايشى كه شه وت بکننت كه بارين وانندگ سبخا په شرى هيل زرتگنت آگه نه
شه آوان لهتين جستنه كنت، پسوانا كوشکننت، سوگه وراهشونيه كنت و په آوانى لکتنى مهارتى
گيش کرتنا چنت جمله گشيت كه بلکننت.

گسويين کار: عزتمدين معلم وانندگانا سوگه كنت كه په ويل خرچيى باروا شش كشكى
کاسا نمشتانكى بلکننت.



مرک آروک (مخدرین چیز)



مخسډ:

- وانډگ سبځا بوانت وبلکنټ.
- مخدرین چیزانی تاوانا بزانت.
- شه مخدرین چیزانی عملیانی گندگین زندا سی بنت.

جست:

- * مخدرین چیزانی ناما گشتگه کنت؟
- * مخدرین چیزانی تاوان چی انت؟
- * مخدرین چیزانی عملیانی زند چون انت؟
- * پیچی باید شه مخدرین چیزانی عملا دوری کنن؟



مخدرین چیزانی عمل بنیادما گون گندگین روچان دیم په دیمه کنت، همایی که عملیه بنت، نه تانکا ایشکه وتی دُراییا شه دستا دینت بلکین وترا به دگرانی دیما کم و جاله کارنت. اسلامی پاکین دین شه هما سروهدان مچین آ چیزانی کارمرز کرتنا که کم یاگیش نشیه دارنت، بنیادما بی سد و ساره کنتت په دُراییی و جوریا تاوان ودیه کنتت و به مجگ و پکری سراجندگین تاثیر پربنتت سک گندگ گشتگیت.

په ایشی که جهانیین کچانی، مخدرین چیزانی دیم گپتگ بیت، شه ملل متحدی نیمگا بین المللین چاری گریگی کمیٹی جور و کارا بنا کرتگیت که شه وتی جورپوتنا تا انون په مخدرین چیزانی دیمگیری و منع کرتنا کاریین تچ وتاگانا تسر رسینتگیت.

نسوار، سیگار، چلیم، چرس، شراب، تریاک و پودر و دگه شه مخدرین چیزان انت که هرگجایی کارمرز کرتن په بنیادما تاوان داریت.

نسوار که به ملکا گیشتر داب انت و مردم به لنتی چیرا پوک دینت و یا لهتین به وتی گینا پیشک کشتت باز سک تاوان داریت، تاوانی ایش انت که یکو دنتانانا خراب کنت و به دپا گندگین بوی ودیه بیت و هبر به جای رسیت که بنیادما گون سرطانی ناجوریا دیم په دیمه کنت. چلیم و سیگاری کارمرز کنگ بنیادمی پیی خرابیی سببه بیت و هم کشوکین ناجوری گون وت دارنت.

چرس، شراب، تریاک، پودر و دگرانی کارمرز کرتن و کشگ مردمی نادرایی سببه بنت و ای چیزانی عملی روچ په روچ لاگر و بی وسه بنت، خون و گوشتش هشکه بنت ورنکش زرد ه بیت. مخدرین چیزانی عملی به وتی منا په وتی وشال ساتنا عمله کنتت مگه به حکیکتا انچوش نه انت، آ وتی دُراییی و جوریا که مزین نعمتی انت گون خطرا دیم په دیم ووترا به مرکی کندها نرینکه کنتت. بید ایشی مخدرین چیزانی عملی په وتی عملی دستا آورتنا وتی پاکین داراییا شه دستا دینت و گون هرروچی گوزگا ای عمل به سریش گیشه بیت و هبر به جای رسیت که وترا ساتتگه نه کنتت و هرچون که بیت باید وتی عملا بگرت و آگه زرو دارایی الاس بنت دگه مجبور انت که په وتی عملی دستا آورتنا وتی دستا سونی دگران تچک کنتت، آلنکه نانی پکرا



نه انت. تانا و تانا عملی غما انت و همیکه زرش آوانی عملا پوره نه کرت، دگه هرچی که دستیش کپت پلنت و بها کننت که وتی عملا بزنت ووترا نشیه بکننت.

مخدرین چیزانی کارمرزکنوک کارکنگی واک و توکا شه دستا دینت، نه تانکا ایشکه په وت کاری کرتگه نه کننت، بلکین آوانی وتی و نزنکین حکدار و سیاد هم، شه آوانی دستا پازابه بنت و کرا کرا هبر به جای رسیت که شه اوستاتن و نشتنا، گون آوان دوریه کننت و آوانا شه گسا دره کننت. چنکس سک و دردینوک انت که مردمی جندئ عزیز، وتی و سیاد شه مردما دیم بگردینت و بیزار بنت، نه تانکا ایشکه شه آبی وش مه برنت بلکین په آبی دیستنا هم وش مه بنت و آیرا شه لوگ و جاها در کننت. گون انچین رانده ین جاور و حالتی دیم په دیم بوتن هیچ انسانی را نه برازیت، انسانی شان و عزت شه مچین موجودان گیشترانت دگه پچی گون مخدرین چیزانی کارمرز کرتنا وتی شان و عزتاگون تاوان و خطرا دیم په دیم بکننت، افسوز به آبی حالا که وت و تراگون زبانی و زوا لیا دیم په دیمه کنت.

افغانستانی اسلامیین جمهوری دولت، په مخدرین چیزانی دیم گیری و منع کرتنا، کتوکین گام گیج تسرکرتنه و مخدرین چیزانی خلائی جدوجهدی سرا آنکس دلگوش کرتنه که به وزارتئی کچانئ اداره یی کاره کنت و به وطنئ هر نیمگی په مخدرین چیزانی کشگ، بهاکنگ و زینگ و غچاگیی دیمگیری و منع کرتنا شپ و روح کاره کنت.

همی راز امی عزتمندین دینیین عالم و دانندگ هم په مخدرین چیزانی دیمگیری کرتنا بازکوشست و تلواسگ کرتنه و کننت و هرونده به مسیت و دگه جاگهان مخدرین چیزانی تاوان و خطری باروا هبره دینت و مردمانا سی و سریده کننت و په ای پولی مردمانا شه ای گندگین عملا دوری کرتئی سوگه کننت، همیکه مردم شه مخدرین چیزانی عملئ گندگیا سی و سر پد بنت و شه آوانی کار مرز کرتن، زیتن و بها کرتنادوری بکننت دگه امی هیچ هموطنی دُرایی و جورپی که په بنیادما مزین نعمتی انت گون خطرا دیم په دیمه نه بیت و مچین به وتی لوگ و هندا په پت و عزت زندگی کرتگه کننت.



معلمی تچ و تاگ:

* واندگانا سی باره کنت که گون وت سبخوا بواننت.

* سبخوا په برزین تواری وانیت، نوکین گالانا گون مانایش به تختی دیما لکیت.

* لویت که دو وانندگ سبخوا په رون په برزین تواری بواننت.

* په وانندگانی اوشکتنا مطلبی گشیت.

په گشتگین مطلبی باروا شه آوان جسته کنت.

* شه سی وانندگا لویت چیزیکه دیما شه جستان اوشکتگت په رون یکوار دگه شه بر په برزین تواری بگشت.

* په لکتی مهارتی گیش کرتنا چنت جمله په وانندگانی لکتنا گشیت که بلکنت.

وانندگانی تچ و تاگ:

* معلمی تواری که سبخوا وانیت کوشکننت، نوکین گالانا گون مانایش شه تختی دیما به وتی کتابچهان سیایگه کنت.

* چیزیکه معلم په اوشکتنا گشیت په شریه کوشکننت.

* اوشکتگین مطلبی باروا جستانی پسوا دینت.

* سی وانندگ چیزیکه دیما شه جستان اوشکتته یکوار دگه شه بر په برزین تواری گشت.

* چیزی که په آوانی لکتنا گشیت لکت.

شه وت کرتن:

واجین معلم په ایشی که مالوم بکنت که بارین وانندگ سبخوا په شری هیل زرتگت آگه نه شه آوان لهتین جسته کنت، پسوانا کوشکت، سوگه وراهشونیه کنت.

گسویین کار: واجین معلم وانندگانا سوگه کنت که مخدرین چیزانی تاوانی باروا پنچ کشکی

کاسانمشتانکی بلکنت.



زوان راهبند (گرامر)

بلوچیی " زوان راهبند " یا گرامریه ایشی ادا آورتگ بوتہ کہ بلوچیی زوانی تعلیمی شاگرد و ہیل زوروک گون آوانی وانتن و پو وسرید بوتنا بلوچیی زوانا گھتر و شرتریات بگرت۔
ای زوان راهبندی بربرکنگی پھرا بلوچیی زوانی مزن نام وتوارین نویسوک و شاعر عبدالرحمن " پھوال " ستای وری کوشست وتلواسگ کرتگیت، آیی ای زوان راهبندا پہ بلوچیی زوانی قاعدہ وراہ وراہبندانی نشان داتنا سادگ و آسانہ زانت و گشیت کہ اما پہ ای زوانی راهبندانی باروا شہ زبان شناسیی علمی دیما پہ ہورت گندی نچارتہ و تانکا مزین قاعدہ وراہانا روش کرتگن، چیا کہ زوانی خاطر پت و پول و آیی توارانی نشان داتن زبان زانتانی کار انت و مارا امیت انت کہ آیوکیں ورزادگ و بلوچ پُسگ بری راہا گام چست بکننت و وتی زوانی مچین خصوصیتانا پہ ہورت گندی پت و پول بکننت و آیرا پہ بلوچ و غیر بلوچین واندگ و شاگردان چو جوانین راہ نشان دیوکی پیش بدارنت۔

جمالانی جزو اجزا -

آگالی (کلیمہ) ایکہ شہ آیی جملہ، عبارت و کلام جو رہ بنت کلامی جز و اجزا گشتگہ بنت و آایش انت:

نام، صفت، ضمیر، فعل، قید، ارتباط، اصوات (توار) و روابط کہ شہ ایشان بہ ہمی کتابا لہتینش آورتگ بوتگیت۔

نام: نام ہماگال انت کہ گون آیی مردم، حیوان و چیزی نام گپتگ و درگیتگہ بیت چو:

۱- مرد، جن، ماس، پس، براس، گھار، بیبرگ، ہانی، شیمیرد۔

۲- اشتر، مُرگ، مورینک، لگو، گوک

۳- گس، کدوگ، سنگ، شری، گندگی، کنہی

فعل: فعل ہماگال انت کہ کار، مردمی یا چیزی حالتا بہ یکی شہ سی زمانگان روش بکننت، دگہ ہر فعلی سی پکری واوند انت۔ کارباحالت، زمانگ و شخص۔

چو:



- احمد شت.

- احمده روت.

- احمده لویت بروت.

ادا سئ کار به سئ وهده و زمانگا نشان داتگ بوتگیت، برزگی سیکین جمله فاعل یا کنوکئ واوند انت. په ایشی که هرکاری راکنوک کنت، دگه به هر جمله یی تھا "کنوک" باید بیت. هر جملی بنیادیین بار فاعل، فعل و مفعول انت.

کنوک یا فاعل آنت که یک کاری کنگی نسبت به آیی داتگه بیت یعنی یک کارکنوکی بیت. چو:

امید شت، اشترآپ وارت، که ادا امید و اشتر هر دو کین فاعل یا کنوک انت که روگ وورگی کارا (فعلا) تسرسینتگت.

مصدر: هماکارانت که کسی یا چیزی بکنت مگه زمانگی واوند مه بیت چو: کپتن، گشتن، شتن و...

بلوچیی زوانا مصدری علامه و نشان (ت + ن = تن) انت و آگه نونی (ن) حرفا شه بلوچیی مصدرانی آخرا دور بکنن مطلقین ماضیا بدله بیت چو: کپت، گشت، کشت بعضی به ای خیالا انت که مصدری نشان (گ) انت که فعلانی ریشگی آخرا آورتگه بیت. چو: کپگ، کشگ، روگ، آیک، مانگ، نندگ، زانگ، شانگ و...

لازمی و متعدی:

به زوان راهبندا (گرامرا) فعلانا به دو کوتا "لازمی و متعدی" باره کننت و آوانی توپیرا انچوش روشه کننت:

لازمیین فعل: هما انت که آیی فاعل روش و زانتگ بیت چو:

- اکبره هندیت.

- کریم روت.

متعدیین فعل: همانت که فعل شه فاعلا گوسته و مفعولا برسیت. چو:

- نصیر کتابا ونت.

- کریم تروکا وارت.



معلمی تیج و تاگ:

- * ای سبخئی سرگالا به تختئی دیما لکیت و شه وانندگان سکین دیوکین جستانا سوجه کنت.
- * سبخا په برزین توارى وائیت ونوکین گالاناگون مانایش به تختئی دیمالکیت.
- * شه دو وانندگا لوپیت که ای سبخا په برزین توارى بووانت.
- * وانندگانا سئی باره کنت که گون وت په جملانی جز واجزای باروا هبریدینت.
- * په وانندگانی اوشکنا مطلبی گشیت.
- * گشتگین مطلبی باروا شه آوان جسته کنت.
- * لوپیت که سئی وانندگ هما چیزا که دیما شه جستان اوشکنتت یکواردگه شه بر په برزین توارى بگشتت.
- * په وانندگانی لکتئی مهارتئی پرواک بوتنا لهتین جمله په آوانی لکتنا گشیت.
- وانندگانی تیج و تاگ:
- * سکین دیوکین جستانا کوشکنتت، به پسوانی پکرا بنت.
- * معلمی توارا که سبخا برزه وائیت کوشکنتت، نوکین گالاناگون مانایش شه تختئی دیما به وتی کتابچهان لکنت.
- * چیزی که معلم په اوشکنا گشیت کوشکنتت.
- * اوشکنتگین مطلبی باروا جستانی پسوا دینت.
- * سئی وانندگ په رون چیزیکه دیما شه جستان اوشکته یکواردگه شه بر گشتت.
- * چیزی که په لکتنا په آوان گشتگه بیت لکنت.
- شه وت کرتن:
- په سبخئی شه وت کرتناکه بارین وانندگ سبخاهیل زرتگنت آگه نه شه آوان جسته کنت

گسویین کار:

واجین معلم سوگه کنت که ای سبخئی اولی تاکدیما به وتی کتابچهان بلکنت.



ماینانی رند



مخسد:

- وانندگ سبخابواننت وبلکنت.
- شه ماینانی تاوانا سی وسرید بنت.
- شه ماینانی رندا دوری بکننت.

جست:

- کی ماینانی تاوانی باروا هبرداتگه کنت؟
- تا انون ماینی تاوانی بوتگی را دیستگت؟ گجا
- پیچی باید وترا شه ماینانی رندا دور بساتن؟
- جایکه ماین داشتگ بیت چون زانتگه کنن؟



ماین باز گندگ و کُشوکین چیزی انت که مردم آیرا نه گندیت، به گوستگین چنتی سالان به امی و طنا باز ماین به دگارا اشتگ بوتگیت، به مرو جنگی و همدان ماین گیشترکی به سرکانی کر و دامون، پُل و بازاری پاناد و آپسرانی نزنکی و پوجی و امنیتین پوستهانی ایشک و آشکا کرم کرتگ و اشتگ بوتگنت، ماین به بنیادم، دگه زندگ جان وموترو جنگین وسیلانی خلاپا کارمرز بوتگنت.

ماین چول د ولی شکل دارنت، یک رازی انچین ماین انت که گوندین زاگانی گوازی لک و تروکی رازا انت و همیکه کسانین زاگانی دستا کپت رندا شه دمی گوازی کرتنا ترکنت و مرک و تپی سببه بنت، دگه رازی ماین آانت که تانکا مردمانا گون مرک و تپا دیم په دیمه کنت، موتر و پوجین وسیلانی خلاپی ماین هما انت که مزن تر انت و به حاکی تھا کرم کرتگه بنت که ایشانی تھا انچین ماین است که آگه یکین و اراموتر ودگه وسیله شه سریش بگوزیت نه ترکنت بلکین گون موتری گوستنا گواته گرت، و رندا شه آبی که چنتی موتر یا پوجین وسیله شه سریش گوست و گوات گپتنت ترکنت و موتر و یا دگه وسیلانی تکر تکر بوگ و مردمی مرک و تپی سببه بنت.

ماین مردما همادما کشیت، دست و پادا بارت، چمانا کوره کنت، پوز و گوشا زوریت کر و کوت کنت، گسی نازاکین زاگ یا مزن و نان آروکا گیت، غم و سوگ کاریت و گوار و ماسانی سیاین چادرا گیشه کنت، مردمانی گل ووشالیا زینت و آوانا به غم و سوگی کونتی سرا نادینیت. ماینانی گیشتر دیمحونی کسانین زاگ انت، پرچی که زوت گوازیه ورننت. همیکه براهدارین چیزی که به ظاهرا گوازی وسیلی رازا داریت گندنت دگه زوت دستا گرت، سی نه دارنت که انسانئ بدواه به آوانی تھا ترکنتین چیز اشتگنت، یا همیکه شه گسا دنا رونت توپانی نه ترکتگین تیرانا (مرمیانا) گندنت، شه ناسریدیا گونش گوازیه کنت که گون ای تیرانی ناگتاین ترکگا مرنت و تپی به بنت.

دگارین ماین بنیادم، حیوان، کسان و مزن و مرد و جنا درسته نه کنت، هرکه گونی نزنک بوت زرابی گندیت و توانیه بیت و انچوزانتگ بوته که شه ماینی هر پنچ دیمحونیا (قربانیا) یکی کسانین زاگ انت که شه نازانتیا گوازیه ورننت و به هرچیا دسته پریننت. شه حسابی که ملل متحد گپتگیت هر سالگ نزنک پانزده تا بیست هزار مردم شه ماینانی





ترکگی سببا کشتگ و تاوانیه بنت.

همیکه جای روگی نیتا دارن باید به ای هبرا باز دلگوش بکنن که شه کهنگین پوجیین جاگه و هندان مه رون، همی راز کهنگین ده و هلکانی ایش و اشکی گوستنی وهدا، وتی هوشا بگرن که شه جایکه کهنگین جنگیین وسیله دیستگه بنت مه گوزن، همی رازشه جایکه اودا حیوانانی اړوک کپتگ بنت مه گوزن، که به انچین جاگهان ماینانی کرم کرتن ومنتنی گت باز انت.

په ایشی که ماینانی جاگه مالوم بیت و در کرتگ و بی اثر کرتگ بنت به باز جاگه و هندان ماین پاکیی کارکنوک ماین ودی کرتنی کارانا تسر کرته و ماینانا ودی کرتگنت، چوکه لهتین جاگهان که ماین ودی کرتگنت یا اودا ماینانی ودی بوتنی خطر و ترس انت، گون سنگان که سور رنگ کرتگ بوتگنت نشانی کرتگنت که ایش تا یک حدی گون اما به خطری زانتنا کمکه کننت.



ایش ماس ویس و دگه هر مزنی ذمه واری و مسوولیت

انت که کسانین زاکانا شه ماینانی خطرا سی و سرید بکننت و بگشتت که به نادرا و نامالومین جاگه و هند و کهنین کلات و نارو جوانی کرو دامونا چار مه کننت، به هرچیا دست مه پرننت که باز سک تاوان دارنت و زوتی مرک و پیی سببه بنت. باز دیستگ بوتنه که کسانین زاگ شه ماینانی ترکگی سببا مرنت، کوت و کوره بنت یا که دست و پادش گلپتگه بیت. انچین کسانین زاگ مکتبا شوتگه نه کننت و تا که زندگ انت، کاری تسر کرتنی واک و وسا، نه دارنت و وتی کهولی کوپکانی بلا انت.

معلمی تچ و تاگ:

* سبخا په برزین تواری وانیت و نوکین گالانا گون مانایش به تختی دیما لکیت.

* شه دو وانندگا لوپیت که سبخا په رون په برزین تواری بواننت.

* وانندگانا سی باره کنت که هرباری گون وت په ماینانی خطری باروا هبر بدینت.





* په واندگانې اوشکتنا مطلبې گشیت.

* په اوشکتگین مطلبې باروا شه آوان لهتین جسته کنت.

* شه سئ واندگا لویت چیزیکه دیما شه جستان اوشکتگنت یکوار

دگه شه بر په برزین تواری بگشنت.

* په واندگانې لکتني مهارتی گیش کرتنا په آوانی لکتنا لهتین جمله گشیت.

واندگانې تچ وتاگ:

* دو واندگ سبخا په برزین تواری وانیت.

* واندگ به سئ باراگون وت په ماینانی خطرئ باروا هیره دینت.

* چیزیکه معلم په آوانی اوشکتنا گشیت په شریه کوشکننت.

* په گشتگین مطلبې باروا جستانی پسوا دینت.

* سئ واندگ چیزیکه دیما شه جستان اوشکتنا یکوار دگه شه بر په

برزین تواری گشیت.


* چیزی که په آوانی لکتنا گشتگه بیت لکت.

شه وت کرتن:

په ایشی که عزتمندین معلم په وت مالوم بکنت، که واندگ سبخا

په شری هیل زرتگنت آگه نه، شه آوان لهتین جسته کنت، پسوانا

کوشکننت، سوگه وراهشونیه کنت.



گسویین کار: واجین معلم واندگانا سوگه کنت که په دوری کرتنا شه ماینان نمشتانکی

بلکننت که پنچ کشک بیت.



نیوگانی پیدگ



مخسد:

- وانندگ سبځا بواننت و بلکنټ.
- نیوگانی پایدگ و کټا بزانت.
- به هر موسمی شه آ موسمی نیوگان بورنت

جست:

- چنت رازی نیوگا درسته کنت؟
- به شمعی الکا نیوگ دارین درچکانی باگ است؟
- گجام نیوگا وش دارت؟





نیوگ هم دغه خوت و ورگیانی وړا
 شه باز کټوک و جوانین نعمتان انت
 که خداوند ﷻ په وتی بندگان باگانی
 درچکانی برو حاصل کرته، آگه په شری
 بچارن گندن که باگ شه یک نیمگا
 امی ده و الک و شار و آبایی براه و
 سرسبزیی سبب بوته و شه دغه نیمگا
 آبی برو حاصل که وش و تامدارین راز
 رازی نیوگ انت جوانین ورگی زانتگه بنت.

نیوگ نه تانکا ایش که جوانین براه و زیب ووشین تام و مزگی دارنت، بلکین بازین ویتامینی هم
 دارنت که بنیادمی وجود په آوان اړ انت، آگه مردما برسیت و وسی بیت که شپ وروچی تنها
 چنت وار نیوگ بوارت باز کټوک انت.

داکتر شنت، همایکه شپ وروچی تنها چنت وار نیوگ ورننت، کمترگون نادراییان دیم په دیمه
 بنت، به امی وطن نیوگ دو راز (تر، خشک) و دیه بیت. گیشترکی نیوگ به لواری موسما رسنت
 که هم تر وتازگ ساتتگه بنت و هم هشک کرتگه بنت که هر دو رازا تر و خشک وارتگه بنت
 و هر دو رازا پایدگ دارنت.

نیوگ چنت رازی انت چو: انگور، انار، توت، آلو، زردالو، شفتالو، سیب، ناک، پسته، جلغوزه،
 ترک و کوپگ و دگه... و چنت رازی رنگ دارنت چو سبز، سوروسبز، نارنجی، زرد، سپیت
 و دگه... نیوگ هر رنگی که بیت وتی تام و مزگ و ویتامینا داریت که په بنیادمی جائی ضرورتی
 پوره کرتنا باز نپ و پایدگ دارنت.

امی عزیزین وطن افغانستان، باز شرین آپ، هوا و حاکی داریت که په هر رازی باگ و باگداریا
 جوان انت. به امی وطن هر رنگی نیوگی درچک په شری ردیت و مزنه بیت شه همی سبا به ای
 ملکا راز رازی نیوگانی درچکی نادیتن و مزن کرتن شه باز غدیما داب بوته و انت.



افغانستانی جوانین نیوگ ایش انت:

انگور (بازین رازی)، انار (چنتی رازی)، انجیر، سیب، توت، زردآلو، بادام، پسته، کوپک و گلو که چنتی رازان ودیه بنت، شه ای نیوگان نه تانکا ایش که امی هموطنانی جند کاره گرنه و به جتا جتاین موسم ووهدا تر و هسک ورننش، بلکین به درملکا هم په بها دیم داتگه بنت.



افغانستانی نیوگ به درملکا، نام وتواری اووند انت و شه نیوگانی بها کرتنی سببا، هموطنین باگدار و سوداگر جوانین نپ و پایدگی دستا کارنت.

دیمی وهده و پاسان، که به وطن په کشین راه و سرک نه ات و په نیوگانی ساتنا سرد جاه جوړ نه بوت، همیکه لواروتموسا نیوگ رستنت، باگداریک وهدا وتی

درچکانا شاننت و نیوگانش نزه کاورنتت و په بها کرتنا به دگه جاگهانی شار و بازاران برنتت، آوانی بازین رستگین نیوگی، به راهی دراجیا بت و خرم ویا تپی و خرابه بوتنت که تپی و خرابین نیوگا که شر نه انت و په دریا تاوانه رسینت کسی نه زیت و به گردنیش باره بوتنت. انون هم امی هموطن رازیکه درده وارت په وتی هر موسمی نیوگانی ساتنا سردجاه نه دارنت، پمیشا گون بازین تاوان و سکیان دیم په دیم انت. چیزی که په آوان کمی جوان بوته و په آوانی نیوگانی رسینگا به شارو بازاران کمک کرت، راه و سرک انت. سری ایشی امی عزیزین هموطنین باگدار په گهترین نیوگانی دستا آرتنا شه باگداری نوکین راه و راهبندان کاره گرنه ویل و کم حاصلین درچکانی جاگه جوانین درچک و نیاله نادیننت و وتی باگداری برو حاصلایگیش کنان انت.

معلمی تچ وتاگ:

* ای سبخی سرگالا به تختی دیما لکیت و شه وانندگان لهتین سکین دیوکین جسته کنت

* سبخا په برزین تواری وانیت.



* نوکین گالاناگون مانایش به تختی دیما لکیت.

* شه دو وانندگا لویتت که ای سبخا په برزین تواری بوانتت.

* وانندگانا سی باره کنت که گون وت په نیوگی نپ و پایدگی باروا هبریدینت.

* په وانندگانی اوشکتنا په آوان کسانین مطلبی گشیت.

* په وانندگانی لکتنی مهارتی پرواک بوتنا په آوانی لکتنا چنت جمله گشیت که بلکنت.

وانندگانی تچ وتاگ:

* معلمی توارا که سبخا وانیت کوشکننت، نوکین گالاناگون مانایش شه تختی دیما به وتی کتابچهان سایگه کنتت.

* دو وانندگ په رون ای سبخا په برزین تواری وانیت.

* چیزیکه په اوشکتنا گشتگه بیت کوشکننت.

* اوشکتگین مطلبی باروا جستانی پسوا گشتت.

* سی وانندگ په رون چیزیکه دیما شه جستان اوشکته یکواردگه شه بریه برزین تواری گشیت.

شه وت کرتن:

په ایشی که واجین معلم په وت مالوم بکنت که وانندگ سبخا په شری هیل زرتگنت آگه نه شه

آوان لهتین جسته کنت، پسوانا کوشکننت. سوگه وراهشونیه کنت.

گسویین کار: عزتمندین معلم وانندگانا سوگه کنت که په نیوگی نپ و پایدگی باروا شش

کشکی کاسا نمشتانکی بلکنت.



حضرت عمر (رض) رحم

مخسد:

* وانندگ سبغا بواننت و بلکنت.
* شه حضرت عمر (رض) رحم و دلسوچیا سی بنت.
* به خیررسینگی کاران دلگوش بکننت.

جست:

* کی حضرت عمر (رض) رحم و دلسوچی باروا هبرداتگه کنت؟
* تا انون حضرت عمر (رض) باروا چی اوشکتگت؟
* حضرت عمر (رض) گون مردمان چونین راه سلوکی داشت؟

حضرت عمر رضی الله عنه، به وتی خلافتی وهده و دورا، باز واران به شپی پاسا به شاری تها چاره کرت و و ترا شه شاری جاور و حالتا سیه کرت. یک رندی همی دابا یک سونی روگا ات، دیست که به شاری یک نیمگی نوکا گدانی جک بوته که تا انون نه ات، وهدی که گدانی نزنیکا سر بوت دیست که مردمی اودا نشته و شه گدانی تها فریاد و تواری اوشکتگه بیت، آ مردمی نزنیکا شت، سلام دات و شه آبی سوچ کرت که توکی ای؟
آبی پسو دات که: یک مسافری اون، جنگلی نندوک اون. لوتین که امیرالمومنینیا بره بین و شه آبی په وتی اړو حاجتی پوره کرتنا مدد بلوتین.
حضرت عمر رضی الله عنه شه آبی سوچ کرت: ته بگش که چی سکی یی داری، شه گدانی تها تواری اوشکتگه بیت.
آ واجه پسو دات: منی جنین زاگ دیستنی دردا انت.
حضرت جست کرت که آبی نزنیکا دگه جنین زاگی هست؟



آبی، پسو دات که نه دگه جنین زاگی نه انت. حضرت شه اودا پاد آت و وتی لوگا شت^۹ گون وتی لوگ بانوک حضرت ام گلثوم رضی الله عنها گشت که ثوابی یک مزین کاری په ته ودی بوتگیت.

آبی جست کرت که: بارین چی هبری؟

حضرت پسو دات: یک جنین زاگی، به زاگ دیستنئی دردا انت، تانکا انت .

آبی گشت: هان هان ! من په ای نیکین کارا تیارون.

حضرت عمر رضی الله عنه گشت که: هر چیزی که جنین زاگی کپتن و زاگ دیستنئی وهدا کاره کیت، چو: روگن و دگه ضرورتئی وړئ چیزان گون وت بزور.

آبی همی چیزانا زرت و رادگ بوت.

حضرت عمر رضی الله عنه - پد پدا رادگ بوت، اودا سربوتنت. حضرت ام گلثوم - رضی الله عنها به گدانی تها پترت و ناجورین جنین زاگی خدمتا کرت، همیکه جنین زاگی، زاگ پیدا بوت حضرت ام گلثوم رضی الله عنها شه گدانی تها توار بال آورت و گشت: امیرالمومنین! وتی دوستا بچکئی پیدا بوتئی مستاگ بدئ.

وهدی که امیرالمومنینی نام به آ مسافرین مردمئ گوشا رست، دگه باز خپه و پریشان بوت. آ حضرت فرمات: پریشان مبو. شه وتی لوگ بانوکا، لوپت که جنین زاگا چیزی بوارینت. حضرت ام گلثوم رضی الله عنها آیرا چیزی وارینت و لوهیا که به تهی چیزی ورگی منتت دنا دات.

حضرت عمر رضی الله عنه آ مردما گشت: بزور ته هم بور، مچین شپا ته بی واب بوتگئی، باندات منیا بیا که په ته چیزی بریر کرتگ بیت، شه آبی پد گون وتی لوگ بانوکا وتی لوگا شت.

حضرت عمر رضی الله عنه رحم و دلسوچی په آړ و محتاجین مرد و جنا خیر و نیکی مزین چیدگ و مثالی انت که په بنیادما خیر و نیکی رسینگئی جوانین راهشونی زانتگه بیت.



معلمی تچ و تاگ:

* سبخوا په برزین توارى بوانیت.

* نوکین گالاناگون مانایش به تختی دیما بلکیت.

* په وانندگانی اوشکتنا لهتین جمله بگشیت.

* گشتگین جملانی باروا شه آوان لهتین جست بکنت.

* په وانندگانی اوشکتنا لهتین جمله بگشیت، که جستانی پسواداتگ و پدی گشتگ بکنت.

وانندگانی تچ و تاگ:

* گسویین کاری کتابچهانا په چارتنا به وتی دیما بلنت.

* سکین (انگیزه) دیوکین جستانا په شری بشکننت وتی هوشا به سبخوا بگرت.

* دو وانندگ په رون سبخوا په برزین توارى بواننت.

* سى باربنت و هرباری جتا جتاگون وت په حضرت عمر (رض) و آبی لوگ بانوک حضرت ام

گلثومی رحم و دلسوچیی باروا هبر بدینت.

شه وت کرتن:

واجین معلم په سبخی مالوم کرتنا که بارین وانندگ په شری هیل زرتگنت آگه نه شه آوان جست

بکنت که:

- حضرت عمر رضی الله عنه ی لوگ بانوکى نام کى ات؟

- بارین ای غریبین مسافر امیر المومنینا په جا آورت آگه نه؟

- بارین پچی امیر المومنین و تراگون آبی درستی نه کرت؟

گسویین کار: واجین معلم وانندگانا سوگه کنت که ای سبخوا به وتی کتابچهانا بلکنت

و شه بر بکنت.



دُراجاه



مخسد:

- وانندگ سبخابواننت وبلکنت.
- شه دُراجاهانی ورو ډولا سی بنت.
- شه دُراجاهانی نپ و پایدگا به دُرایا سی بنت.

جست:

- کئی دُراجاهئی باروا هبر دانگه کنت؟
- غدیما که ډاکتر و دُراجاهئی نه ات نادرا کیا په درمانا شوتنت؟
- دُراجا په بنیادماچه نپ و پایدگی داریت؟
- چنت دُراجاها دیستگت؟ نامیش زانت





به غدیمی وهدان همیکه کسی نادرًا بوت، دگه وتی سیم و دمگی دانندگ و سریدین کسیا که نادراییانی علاج کرتنا زانت و سری پاچه کات شوت. آکس شه وتی زانگ و تجربی دیما، ناجورا دارو دات و گیشترکی داروانا آوانی جند جوړه کرتنت و ناجورا دانتت که تاننن هم ای درمان کنگ به باز جاگهان داب انت. بلی گون وده و وختی گوزگ و علم وزانگی ود و

دیماروگا، به غدیمین طبابتی پانادا په داکترانی رودینگا، طبیین زانشجاه (پوهنتون) جوړ بوتنت که هما کس که لوتیت داکتر بیت چنت سال به اودا طبییی علما هیله زوریت، رندا نا دُراهانا درمان و علاج کنت و په ایشی که نادرًا په شری چارتگ و ساتتگ و درمان بنت دُراهان جوړ کرتگ بوتنت.

باید بزائن که دُراهان انچین هندی انت که اودا داکتر، نرس و جان سلامتی دانندگ و سریدین کس انت و په نادرهانی ساتنا جاگه و نیاد و دگه هر رازی آسانی بریر انت.
دُراهان چنت رازی انت چو:

- سرکاری

- مردمانی جندی

- لس ولور (یگجایی)

سرکاریین دُراهان:

سرکاریین دُراهان هما انت که شه سرکاری نیمگا جوړه بیت که به آوان نا دُراهان (بید زری دانتا) درمانه بنت و مچین خرچا سرکار به گردن و کوپگا گپته و هر دابی خدمت کنگی ذمه واریا منیت به ای دُراهان نادرانه نیادی (بستری) و نه دارو و نان و آپی زرا دنت، مچین خرچا سرکاره دنت.

مردمانی جندی دُراهان: ای دُراهان هما انت که یک یاچنت مردم بارو ونله زورنت و جوړه کنتت وشه وتی جندی کیتوا په دُراهان و آپی لک و تروک و وسیلانی بربر کرتنا زره دینت، ادا هم نادرهانی درمان و علاج بیت مگه هرچی خرچ شه نادرًا گپتگه بیت که ای رازی دُراهانی خرچ بازانت.



لس ولورین دُراجاه: هما انت که گون سرکار و یک یا چنت مردمی بار زورگا جوړه بیت که ادا هم نادرًا په درمان و علاج کرتنا رونت و درمانش بیت، په نادرهانی نادرایی درست کنگ و په شریین درمان کرتنا هر دُراجاهی بازین جتا جتا و راززائی بار وشعبه داریت که لهتینش جالگا نام گپتگه بنت:



- داخلی بار.
- عملیات کنگی بار.
- آی سی یو.
- عاجل.
- سی سی یو.
- فزیو تراپی.
- رادیولوژی.

- جنین زاگانی کپتن وزاگ دیستنئ جاه و کسانین زاگانی ساتنی بار.

- کسانین زاگانی درمان کنگی بار.

- اداری ودگه بار.

دُراجاه چنت رازانت:

نپاد دار که په نادرهانی درمان کرتنا وایی نپاد اشتگ بوتگنت.

- کلینیک که کمین بار و شعبی داریت و به آیی کسانین نادرایی درمان و علاج کرتگه بنت و په نادرهان وایی نپاد نه داریت و به ایشان گشیترکی سرپادیین نادرهانی درمانه بیت.

- پولی کلینیک که شه کلینیکا مسترانت، بازین بار وشعبی داریت و به ادگیشترین نادراهی درمان کرتگه بنت.

- کسانین زاگانی دُراجاه که به آوان تانکا کسانین زاگ درمان کرتگه بنت.

- جنین زاگانی کپتن (زاگ دیستنئ) بارهما خاصین دُراه جاه انت که په جنین زاگانی زاگ

دیستن و جنین زاگین نادراییانی درمان کنگا جوړ بوتگنت.

- په اعصابی نادرًا ومخدرین چیزانی عملیانی درمان کنگا خاصین دُراجاه تچ وتاگه کنت.

- سلی نادرایی درست کرتن و درمان کرتنی دُراجاه.

- دل وگوهری نادرهانیانی درمان کرتنی دُراجاه

- غندی نادرایی خاصین دُراه جاه.



پووسریدین داکتر و پاک و جوانین دُراجاه که درمان کنگی هررازی ازباب ووسیله ووسر سبزوپاکین چاگردی دارنت، گیشتر و گهتر به نادُراهانی درمان کرتنا رسنت که درمان کنگی هرباری په نادُراییی درمان کرتنا مزین تاثیری دارنت.

به انونیین وهده وزمانگا، گون هرروچی گوزگا، به درمان و علاج کرتنی بارا، نوکین دیما روگ ودیه بیت. همیکه شه آزمايگ و تجربهانی دیما، طبی علمیی دانندگ په گجام نادُراییی باروا پت وپولانا تسره کننت و په سوب و جوانین آسر و نتیجیی گرت، دگه آوانی ای سوب و کامیایی مستاک په مچان رسیت و مچین داکترسییه بنت و شه ای آزمايگ و تجربهان کاره گرت.

په ایشی که نادُراییی په شری درمان کرتگ بیت دگه داکتر باید انت نادُرای درد ودورا په شری بزانت. په ای زانگا طبابتی انونیین لک و تروک ووسیله باز کمکه کننت، همیکه کسی نادُرا بیت، باید و تسر دارو مه وارت و په علاج کرتنا به داکتریا بروت ورندا شه داکتریی سوگه راهشونیی گرگا په وت هما داروانا بزنت که داکتره شیت، داروانا به وهده ووختی بوارت، آگه به ایشی ضرورت دیستگه بوت که سوچن بجنت، په سوچنی جتنا به کسیا بروت که ای بارا زانگ و تجربیی واوند انت، آگه به نا سریدین کسیا بروت و سوچن بجنت تاوان داریت. هماییکه سوچن جتنی بارا مالومات داریت و به ای بارا سبخ وانته داروانی یگجا کرتن و اندازه و ورو چولا جوانه زانت و آگه ناجور کسیا روت و سوچنه جنت که به ای بارا چیزی نه زانت و تسروزوت سوچنی داروانا یگجا کننت و سوچنه جنت نادُراها گون سکین خطرا دیم په دیمه کننت که به دُراییی جاگها آیرا به مرکا رسینیت و آ وختا شومانی نپ و پایدگی نه داریت.

معلمی تج و تاگ:

* سبخا په برزین تواری وانیت.

* نوکین گالانا گون مانایش به تختی دیما لکیت.

* شه دو وانندگالو پیت که سبخا په برزین تواری بواننت.

* وانندگانا سی باره کننت که گون وت په دُراجاهی باروا هبر بدینت.

* په وانندگانی اوشکتنا کسانین مطلبی گشیت.

* گشتگین مطلبی باروا شه آوان لهتین جسته کننت.

* شه سی وانندگا لو پیت که چیزی که دیماشه جستان اوشکتگنت یکوار دگه شه بر په برزین تواری بگشنت.





* په وانډگانی لکتني مهارتي پرواک کرتنا چنت جمله په آواني لکتناگشيت.

وانډگانی تچ وټاگ:

* سکين ديوکين جستانا کوشکننت، به پسواني پکرا بنت.

* وتی هوشا به معلما که سبخا په برزين تواری وایت گرت و په شریه کوشکننت.

* نوکين گالاناگون مانايش شه تختی ديمابه وتی کتابچهان لکت.

* دو وانډگ سبخا په برزين تواری وایت.

* وانډگ سی باره بنت و هرباری جتاگون وت په دراجاهی باروا هبره دنت.

* چیزی که معلم په آوان گشيت لکت.

* چیزی که معلم په اوشکتناگشيت په شریه کوشکننت.

* اوشکتگين مطلبی باروا جستانی پسواگشنت.

* سی وانډگ په رون چیزیکه ديما شه جستانا اوشکتی یکوار دگه شه بر په برزين تواری گشنت.

شه وت کرتن:

عزتمدين معلم په ایشی که شه وت بکت که وانډگ سبخا په شری هیل زرتگنت آگه نه شه آوان لهتین جستنه کنت، پسوانا کوشکننت، سوگه وراهشونيش کنت.

گسويين کار: عزتمدين معلم وانډگاناسوگه کنت که چیزیکه په سرکاری، شخصی ولس و لوړين دراجاهانی باروا به کتابا لکتگ بوتنه به وتی کتابچهان بلکت و شه بر بکننت.



لیب و گوازی



مخسد:

- وانندگ سبڤا بواننت وبلکنت.
- شه لیب وگوازیانی وړوډولا سی بنت.
- په سپورت کنگا به یکی شه ای گوازیان مشکول بنت.

جست:

- چنت رازی لیب وگوازیی ناما زانت؟
- به شمی ده و الکا زاگ چه وهدا گیشتر گوازیه کنت؟
- شما گجام گوازییا گیشتر وش و پسند دارت؟



گوازی شه باز غدیما، به کسانین زاگانی میانجینا داب بوته وانت، گوازی مشکولی انت که بازین زاگی یگجا نزه کاینت و یک رازی تچ و تاگی را تسره رسینت که انچا گوازی انت بلی به حکیکتا سپورتی انت که به کسانین زاگانی میانجینامهر و دوستیا گیشه کنت. آوانا مشکوله ساتیت، هرموسم ووهدی لیب وگوازی شه یکی آدگرا توپیردارنت، چو لوارو زمستانا، یا به ماهتاپی یا که به تارینکین شپا، گوازی به شپا یا روچا به گس و لوگی تها یا در شه گس و لوگا تسره بنت.

ادالتهین گوازیانی نام گپتگه بیت: کتار، حسین، چیرکپی، کلبی، گلی گل، تورت، پله پرینتن، کشتی گپتن و بازین گوازیی دگه انت.
کتار:

کتار دورازا انت، سئ کتاره و نو کتاره و هرگجام مردمی دانگ جتا انت که یکی شه آدگرا توپیر وزانتگ بنت، آگه سئ کتاره ین گوازی بیت هرگجامی که دو مردم انت سئ دانگ و آگه نو (۹) کتاره بیت نو دانگ انت. آگه یکی توموکه زوریت دومی دونوکوک، آگه یک سنگوکه زوریت دومی لئوک. گوازی انچوش انت که یکی دیما و دومی به پدی یک یک دانگ به بندکانی سرا کلنت، دانگانا رازی نچینه دینت که سئ دانگ به یک کشکی سرا پد به پد بنت، مگه دومی کوشسته کنت که اولیا میلیت که سوین بیت ای کارا بکنت و آگه یکی سئ دانگا به بندکانی سرا به یک کشکی راستامیا اشتگ کرت شه آدگری دانگان یکی را زوریت مگه بید کتاری دانگان.

آگه یکی دوکتاراسوارکرتگ کرت، زوتی وتی سیالا پروشه دنت (ماته کنت). دوکتاره رازی انت که یک کتاری پانادا دگه کتاری جوړه کنت که هر دو کینانی میانجینی دانگ یگجا انت، آگه اینگولیت کتاره بیت و آگه انگولیت هم کتاره بیت.
جی (جیگ، جستن):

به گرم ووشی وهدا که هواسرد نه انت، ورناین زاگ به ده و الکی میدانیا نزه کاینت، جیه کنت. رازی که یک جای ساپگی تها کشکی کشت دو، سه یا گیشتر کشکی سرا کوشنت، سریناچو پرته و هر دو دستا زانسرا کلنت، گدیین اتگ هم دیم شه دیما روش و جاره بیت،



یکی مزه بیت و جیانا (جیوکانا) ازم و موکله دنت بس دگه شیت: یک، دو، سی، گون سی
گشگا مچین جیه کننت هرکه دیمترا اتگ کرت گوازا بارت.
خسین:

به ماهتاپیان که شپ روشن انت ورنو کسانین زاگ به ده والکی پانادا نزه کاینت وُخسینه کننت
که یکی شه ای گوازیان انت به ای گوازا ورنو دو باره بنت، مچین یک پادا به دگارا کلنت و گون
یک دستی آدگه پادئ مزین ناون یا پادئ مجولوکا سکه ساتنت، کسترکین زاگ که انگته وتی
پاداگون دستاساتگه نه کننت وتی گوشاناگون دستا سکه ساتنت که ایشا پیچکه شنت یکی را
که چالانکو بیت مادیک گرت و لهتین دگه وظیفه گرت که مادیکا بسانت و ایشک و آشکی
کوشنت.

گوازی بنایت، آگه کسانین زاگی را که دستا به وتی گوشاگپته، دستی شه گوشئ جتا کرتنت دگه
آپوچه بیت که پوچ بوتن آبی دربوتنی وج شه گوازا بیت، همی راز هرگجامی دستا که شه پادئ
مزین ناون یا مجولوکا دور کرتنت یاکه آیرا پریننت آهم پوچ انت که باید شه گوازی ای رونا
دریبت و آگه انچینی ودی بوت که و ترا شه ساتوکانیا گوازینت یا آوانا پوچ کرت و و ترا به مادگینیا
رسینت و مادگی دستا شه پادئ دور کرت گرد گوازا بارت و ای رون آسره بیت.

چیرکی:

دگه لیب که کسانین زاگانی (بچکانی) تنها دود انت چیرکیکه انت ای گوازی گیشتر به شپان
تسره بیت که زی زات گون وت گوازه کننت. به ای گوازا چیر کپتن و و ترا چیر ساتن باز
کدرداریت. گوازی انچوش انت که کسانین زاگ دو باره بنت و یک هندی را اتگ جاره کننت
یک باری اتگی پانادا مانیت و آدگه بار چیره کپیت. ای گوازی هم تانکایی وهم چنت مردمی
تسره بیت، آگه شه اتگا دور انت ازم و موکل داریت که دورا سرپیت یا که نرینکا کرم، جو،
کهنه تندور، اوخور، تمک، گس، کله یا کشاری تنها چیره کپیت. ایدگه بار که اتگی ساتوک
انت لهتینا په اتگی ساتنا کلنت و دگه په چیرکپتگانی ودی کرتنا چاره کننت و کوشسته کننت
که سرپتگین باری زاگانا ودی بکننت، سرپتگین گیشتر جُنجره دینت که دیستگ مه بنت
و چیرمانت بلی په شیواری و بیسروتوار و ترا به اتگا برسینت. ساتوک کوشسته کننت که دستش



به آوانی جانا بلگیت و آگه به هرگجامی دست لگت آ سوچیت، به گوازیی آخرا سوتگانی حسابا شه و ته کننت هر باری سوچوک و بروکانی نمبرگیتگه بیت، رندا شه چنت میدان گوازیی سرجمین نمبر حسابا بنت هما که کمتر سوچوک داشت گوازیی برتگیت.

کبلی: که به ده والکی نرینکین میدانیآ تسره بیت انچوش انت که ورننا نزه کاینت و په وتی وش دو باره بنت که هر باری حسابا شه سی (۳) تاده مردما رسیت. به میدانیی میانجینا تچکین کشکی کشتن شه کشکا چنت گام دورترا هر باری وتی سیمی تھا کوشیت، یکی شه یک باری سیما به آدگه باری سیمی تھا جیه کننت و پترت، همیکه کشکی سرا رست رده رد کوکاره کننت کبلی کبلی و کوشسته کننت که وتی چین باری مردمانا (هماوانا که آبی شریک و همراک نه انت) دست بجنت و آبی چین مردم کوشسته کننت که آیرا به وتی سیمی تھا بگرت و تا وهدی بسانتت که نفسی بسوچیت، آگه گیتنتی ونپسی سوت آ پوچ بوته و شه گوازیی میدانا دره روت وجایی نندیت و دگرانی ندارگا کننت و آگه سویین بوت که شه وتی دیما چین باری مردمی را دست بجنت و گیتنگ نه بوت و نفسی هم نه سوت و شه کشکا گوست و وتی سیمی تھا پترت، گلپان چین باری مردمی پوچ بوته و شه میدانا دره بیت. ای گوازیی په وار انت که یک آدگری سیمی تھا په رونه پترنت و کبلی کبلیه شنت، و گوازیی تا آختا رادگه مانیت که یک باری مچین باسک پوچ بنت، دیم شه دیما هر باری بندوبسته کننت که چنت رون گوازیی بکننت.

گلی گل:

دگه گوازیی که به بلوچ ورنهانی تھا داب انت گلی گل انت، ای گوازیی انچوش انت که ورنانه کاینت و دو باره بنت و هر باری شه وت مزن و سروکی داریت، هر دو مزن که واک و ذمه واریی واوند انت به گوازیی گون نه بنت بلکین به یک هندی نندنت و آدگه که به لیبا گون نه انت هم به یک جاگی نندنت، وشه دو باران یک باری به مزنانی جالسرا یا روچ دراتا کولوتو بنت و دومی بار به برزیا که روچ نشتنا نندنت مزن گون و ته نندنت و یکی آدگری گوشئی تھا نامی دره گیجنت، مثالی رازا: پالیزیی تھا بنگاروک، هر دوکین که تپاک کرتنت، یکی وتی همراکین باری



سرا تواره جنت:

شریکان ! گلی گل.

همراکی سوجیه کننت:

شه گلان چه گل؟

مزن پسویش دنت:

پالیزی تها

همراکی گون وت سلا وشوره کننت ونامی سرا تپاک کننت، یکوار گشتن تروک.

مزنش گشیت دییت وتی تروکا.

دومی باری واره رسیت که مزنش وتی همراکانا تواره جنت:

شریکان گلی گل.

همراکی سوجیه کننت:

شه گلان چه گل؟

پسویش دنت.

پالیزی تها.

همراکی سلا وشوره کننت ورندا جوابی دینت:

بنگاروک.

آپرین برت.

ایشه جینت دیمی آدگه باری زاگان و هرگجامی شه آوان یکی کوپگی سرا سواربنت و آایشانا ته

آوانی نپادا رسیننت و ایرش کننت و پدویی برگردنت و وتی جاگه و نپاداندنت و تا وهدی که

هردو نیمگ لوپتگ بنت گوازی رادگه مانیت.

تورت:

ای گوازی گیشتر به ماهتاپین شپان، شه ورناین زاگانی نیمگا تسره بیت. به ای گوازیاهم ورنادو

باره بنت، هرباری په وت مرنی گچینه کنت وپه گوازیی بنا کرتنی سرئ وار بوتنا، وتی میانجینا

تیره دینت، هرگجامی پشک یا تیر که اوستات، روت و به دور دستان به گس، جلت، تمک،



کهدان، کُده، وار، و دور به کرتگ، جو، کهنین کلات، کُرم و پُلانی چیرا سرینت، ای گوازی گون چیر کپیا نرینک انت، دومی باری زاگ گون وتی همراکان په آوانی ودی کرتنا پتنت، هر جا که گت کننت که اودا بنت، همانگوره رونت همیکه یکی شه آوان دیستگ بوت هماکه دیسته په وتی همراکانی سی کرتنا کوکاره کننت:

تورت، تورت، تورت، مچی دیم اتگا جیه کننت، به ای گوازی کوشسته بیت که چین باری زاگ وتی کشا زیان بکننت تا که آوانی پدی گردوک آوانا ودی کرتگ مه کننت و ژندوژیل بنت، همی که شه سربوکانی کرا رد و تُکری سستگ بنت ایش وتی نپادا بدلاینت و آوانی شارندا رونت و سرینت.

پله پرینتن:

دگه گوازی که به ورنهانی تها داب انت پله پرینتن انت، ای گوازی دو مردمی یا چنت مردمی به جتاین باران تسره بیت، ای گوازی انچوش انت که گوازی کنوک یک جاگهی کشکی کشت و چنت گام دورترا، جای که کسی کوپ کرتگ بکننت کُرمی سندنت که حاکی نرم بیت و سنگ و چونک مه داریت شه آبی رندا هما که گون وت به گوازی چم هم چمی دارنت دورا کوشنتت و په وار جیه کننت همیکه پادش به کشکی سرا رست دگه کوپه پریننت، جایکه پادش به دگارا لگیت، گلهوان یکی کوپ پرینتنی کچانا مالومه کننت. ای کار به دو مردمی و چنت مردمین پله پرینتن تسره بیت و آسر ونتیجه روشه بیت که گجام یکین دورتر کوپ پرینتگیت. هماکه مالوم بوت جاره بیت.

سینگ پرینتن (ایر داتن):

باز ده و الکانی ورنهانی تها، سنگ پرینتن هم داب انت که آهم چو پله پرینتن همیکه ورنای پاد به کشکارست سنگا دورا ایره دنت همودا که کپت کچانی مالومه کننت و هرکه یا هر باری شه ورنهان که دور تر پرینتنت بروک جاره بنت.

کشتی گپتن (پهلوانی):

ای گوازی به وشین موسم وهوای، به روچا و هم به ماهتاپین وش هواین شپا، شه ورنهانی نیمگا تسره بیت. ای گوازی به اعیدانی روچ و وطنی دگه تاریخین روچان و به نوکین سالی اولی



روچا به مردمانی مزین مچیان تسره بیت و داب انت که همیکه مردم په سیل وندارگا نزاآنت ورنای شه آوانی تها دره بیت و توارباله کاریت که کی به کشتیا منی هاره بیت؟ کسیکه همدپ و هم گونج بیت وتی توارا باله کاریت و شیت که من تی هاره بین، زوت به میدانی تها پتریت، به ای گوازییا لهتین ورناتوی جامگانا دره کننت ویا ایشکه شلوارا بالا چننت و جامگی دامونا به وتی نیپانا جننت، هردوکین ورناکه به میدانادر بوتگنت گون وت سرین به سرینه بنت ویا که یکی آدگری سرینا سکه گرت و کوشسته کننت که وتی هارا شه دگارا چست کننت و به دگارا دینت په ای مخسدا یکی آدگرا ایشک واشکا رازی چاره دینت که سرو دل به چارا بییت و وتی وارا چاریت که هارا رازی شه دگارا چست کننت که پشتی زیلی به دگارا بلگیت. هرکس که آدگرا واپینت و سرینی به دگارا جت بروک جاره بیت.

بید ای گوازیان که نامش گیتگ و تسرکرتنی رازش گشتگ بوت، بازین گوازی دگه به بلوچ ورنهانی میانجینا داب انت، که په آوانی مشکول کرتن و نزاورتنا به یک جاگه وهندی مدته کننت. انچا ای گوازی حسابه کاینت بلی هرگجامی یک ورزشی انت که په ورنهانی دُرابی و سلامتیا نپ و پایدگ داریت، بید ایشی همیکه ورنای گون وت به یک جاگهی نزه کاینت گون یکی آدگری خو و تبا موتگه بنت و گون وت گیشتر خو بو گپته و درستیه بنت و روچ په روچ به آوانی میانجینا مهر و دوستیی جذبگ گیشتر پرواک بیت و به یک آدگری سرا باور و دیه کننت. ای گوازیانی تسررسینگ و رادگ ساتن په ورنهانی جانی دُرابی و مردمگری ود و دیما روگا باز نپ و پیدگ داریت و آوانا شه ویل و گندگین پکر و چوتین راهانی روگا دوره ساتیت. پمیشا مچین مردم ای گوازیانی تسررسینگ و رادگ مانگی نیمه دار و لوپوک انت.

معلمی تچ و تاگ:

* سبخا په برزین تواری وانیت، نوکین گالانا گون مانایش به تختی دیمالکیت.

* شه دو وانندگا لوپیت که سبخا په برزین تواری بواننت.

* وانندگاناسی باره کننت که گون وت په هما گوازیانی باروا هبر بدینت که به ای سبخا وننت.

* په وانندگانی اوشکتنا کسانین مطلبی گشیت.



* گشتگین مطلبی باروا شه آوان لهتین جسته کنت.

* شه سی وانندگا لویت چیزی که دیماشه جستان اوشکتگت یکواردگه شه بر په برزین تواری بگشت.

* په وانندگانی لکتنی مهارتی گیش کرتنا چنت جمله په آوانی لکتناگشیت که بلکنت. وانندگانی تیچ وتاگ:

* دو وانندگ گوستگین سبخا په برزین تواری وانیت.

* سکین دیوکی جستانا کوشکننت به پسوانی پکرا بنت.

* معلمی تواری که سبخاوانیت په باز دلگوش کوشکننت و نوکین گالاناگون مانایش شه تختی دیما به وتی کتابچهان لکنت.

* دو وانندگ په رون ای سبخا په برزین تواری وانیت.

* چیزیکه معلم په آوانی اوشکتناگشیت کوشکننت.

* اوشکتگین مطلبی باروا جستانی پسواگشت.

* سی وانندگ چیزی که دیما شه جستان اوشکته په برزین تواری گشیت.

* چیزی که په آوانی لکتناگشتگه بیت لکنت.

شه وت کرتن:

په ایشی که واجین معلم په وت مالوم بکنت که بارین وانندگ سبخا په شری هیل زرتگنت آگه نه شه آوان لهتین جسته کنت، پسوانا کوشکننت، سوگه وراهشونیه کنت.

گسویین کار: واجین معلم وانندگانا سوگه کنت که ای سبخا به گسا بواننت و دوگوازییا شه کتابی دیما به وتی کتابچهان سیایگ بکنت.



گالوار

مخسد:

- وانندگ سبغا بواننت و بلکننت.
- متل و گالوارانا درست کننت.
- گالوارانی کارمرز کرتنا هیل بزورنت.

جست:

- کی متل و گالواری گشتگه کنت؟
- کی متل و گالوارانی باروا هبر داتگه کنت؟
- متل و گالوارانی گشوگ کی انت؟

متل وگالوار آدمیزاتی زوان و شفایین ادبیات (لبرانکی) اهمیت کرزین باری زانتگه بیت. متل وگالوار هما پرماناین گال و جمله انت که شه زانا و سریدین کسانی دپا در بوتگنت و شه بازین کدروروی دارگی سببا، ایدگه هم زوانین مردمانی دلگوشیی وړ بوتگنت که هرهد و پاسی گشتگ و اوشکتگ بوتگنت و شه یکی به آدگرا رستگنت.

متل وگالوارهما براهدارین جمله انت که انچاگونډ و کسان انت، بلی مزین مانای اووند انت که خاصین نکل، داستان و واقعانا به کمین وهد ورساکی زوت و پرمانا بیانه کنت، متل وگالوار اجتماعیین زندگی راز رازی نیمگ و پانادانی نشان دیوک انت که اشاره یی یا پانادیین ډولی، راستام ویا غیر راستام شه یکی به دگری رسیت و گیشتر په هما مخسدانی بیان کرتنا کارمرزه بنت که روش و دراین ډولی گشگی وړ نه انت و گون آوان مخسد و پیگام رازی بیانه بیت که به هبر دیوکانی میانجینا بدی وید بری ودی مه بیت.



متل وگالوار هرکومی عامین ادب و لبزانکی اهمیت کرزین بهری زانتگه بیت که آبی ودی بوتن، داب ورواج بوتن و شینگ وتالان بوتنی نیاد هما زبان انت که به آبی هبرداتگه بیت که به زبانی واوندی مجگ، زوان، گوهر و باورانی تنها جاگپتگیت وبه تاریخی دراجیا مردم آوانا په باز دلچسپی منتگت و تچکین مانا ومفهومانا به کسان و گونلپین جملانی تنها آورتگت.

متل وگالوارانی گشوک، یک درا و مالومین کسی نه انت، بلکین یک کومی مچین ولسی پربهاین ربیدگین گک و میراث انت که به پیری پیرانی دراجیا، شه پیره مرد و پیره زالانی پکر و دماغا په پدی نبیرگ و اوبادگان منتگت.

ادا درورو چیدگی رازا لهتین متل آورتگ بوتگیت.

چو:

ته په من که من په ته

زنان که بنیادم به وتی اجتماعیین زندا، گون وت اوستاتن و نشتن دارنت که ای اوستاتن و نشتن و روگ و آنگ و حال بودی سی بوتن، په سکی و سوریانی زیان کرتنا گون یکی آدگرا مدت و دستگیری، مردمگریا واک و توکه دنت، مهرودوستیا گیشتره کنت و بنیادما به ایشی اره کنت که په وتی هم وړان جوانی و نیکی بکنت و به سکی و سوری و ختا کمک و مدت بکنت که بانندی روچا که وت په مدتا اړ بیت کسی په آبی مدت کرتنا دستا سونی آبی تچک بکنت.

یا:

براس کور وگوار امیت وار

ای متل براسی ذمه واریا که به گهاری دیما داریت روشه کنت، انچو که گهارمدام به براسا توماداریت وپه آبی مدت و دستگیری اړ انت. ای متل روشه کنت که آگه براس کور هم بیت که کور آنکس کاری تسر کرتنی واک ووسا هم نه داریت بلی گهاری شه آبی امیت داریت.

لهتین متل وگالوار دگه:

آپ شه بُنا لُرد انت.

کارچ وتی دستگا نه بارت.



سرکه درد مه کنت مردم ویلا دسمالی نه بندیت.
 کلاوگی سرشه دیمی زیان بوتگیت.
 دلی که نه لویت نیمونی باز انت
 خان تما شپ بی شام وسپیت.
 راستین هبرا شه کسانین زاگا سوچ کن.
 هبریه هبرجوره بیت.
 حرام شه هما راها که آته پدا روت.
 توی که به دگارا کپت پدا زرتگه نه بیت.
 ترا تونکا رودی سرا بارت وپدا تونکا کاریت.
 پاد همودان روت که دل بروت.
 آسبخا که ته وانتگی من شه برکرتگون.
 کارکه شه کارا شت وی وی پیدگی نه کنت.
 مروچی آمورگی دزی کرت دستی مه گری باندا ت مرگی دزیه کنت.
 نانی زنیپا گندیت و کاری بارگیا.
 وادا وارت واد چرینا پروشیت.
 وتی پادا کاسی وتی کونتا تچک بکن.
 هرکسی نیکی و بدی آبی جندی انت.
 وروکا شه وروکا بده کیت مال واوندا شه هر دو ان.
 هیچکس وتی زاگا شه گیابانا نه دیستگیت.
 چیزی که مردمی جندا په کارانت دگری راگلگ نه انت.
 معلمی تچ وتاگ:

* نوکین سبخی سرگالا که گالوار انت به تختی دیما لکیت و شه وانندگان سکین دیوکین جستانا
 سوچه کنت.



* شه وانندگان لوپیت کتابی دیما بچارنت و بشکننت. سبخا په برزین تواری وایت و نوکین گالاناکون مانایش به تختی دیما لکیت.

* واندگانا سی باره کنت که هرباری گون وت په متلانی باروا هبر بدینت.

* په واندگانی اوشکتنا کسانین مطلبی گشیت.

* گشتگین مطلبی باروا شه آوان لهتین جسته کنت.

* لوپیت که سی وانندگ چیزی که دیما شه جستان اوشکتگنت یکواردگه په رون شه بر په برزین تواری بگشنت.

* په واندگانی لکتنی مهارتی پرواک کرتنا چنت جمله په آوان گشیت.

واندگانی تچ و تاگ:

* دو وانندگ سبخا په برزین تواری واننت.

* به سی بارا جتا جتا گون وت په متل و گالوارانی باروا هبره دینت.

* چیزیکه معلم په لکتنا گشیت، لکنت.

* چیزیکه معلم په اوشکتنا گشیت په شریه کوشکننت، جستانی پسوا دینت و سی وانندگ چیزیکه دیما شه جستان اوشکتنا یکواردگه شه بر په برزین تواری گشنت.

شه وت کرتن:

واجین معلم په وانندگانی شه وت کرتنا که بارین سبخا په شری هیل زرتگنت آگه نه شه آوان لهتین جسته کنت، پسوانا کوشکننت، سوگه وراهشونیه کنت.

گسویین کار: واجین معلم وانندگانا سوگه کنت که ای سبخی متل و گالوارانا به وتی کتابچهان بلکننت وروچی دوا (۲) شه بریکننت.



غلام محمد (لعلزاد)



مخسد:

- وانندگ سبځا بواننت وبلکنټ.
- گون شاعر و نویسوکا درستی بنت.
- شیر وشاعری جذبگ و مارگش گیش بیت

جست:

- بلوچیی زوانی چنت شاعری ناما زانت؟
- غلام محمد "لعلزاد" کی انت؟ درسته کنت
- شه شما کی شیرئ جورکرتن وگشتنا وش و پسند داریت؟

غلام محمد "لعلزاد" شه بلوچیی زوانی شاعر و نویسوکان انت که به هجری شمسی ۱۳۲۷ سالی لوارا، به نیمروزی ولایتی زرنجی شاری نارشاهی ودی بوت، مکتبی اولسری تعلیمه به فرخی مکتبا دربرت و په گیشترین تعلیم کنگا به کابل آت و به ۱۳۴۷ سالا لیسئ دورا هم به کابلی اداره عامئ لیسا په سوب آسر کرت.

آگیشترین تعلیمه به کابلی پوهنتونئ حقوقی فاکولتها به دیماکپت و به ۱۳۵۲ سالا شه پوهنتونا الاس بوت و په ایشی که فاکولتهی تعلیمی پانادا به رادیو افغانستانی بلوچیی پروگراما کاره کرت. به ۱۳۵۳ سالا همودا سرکاریین کاری گپت و به همی سالا په آل اندیا رادیوی بلوچیی پروگرامی دیمابرتنا که شه نوکین دهلی شینگه بوت شه افغانستانی سرکاری نیمگا دیم داتگ



بوت کہ پہ اولی وارا ہندوستانی آل انڈیا رادیو بلوچی پروگرامانی شینگ کنگ بنا بوت کہ
لعزاد یکی شہ آ رادیو بلوچی پروگرامی بنیاد ایرکنوکان انت.

لعزاد بہ رادیو کارانی دیمابرنتی پانادا پہ برزین تعلیمی دیما برتنبہ دہلی پوهنتونا شوت و رندا شہ
دو سالہ بہ میلادی ۱۹۷۷ سالہ بہ آپوهنتونی دربی لبرزانکی بارا ماستری دورا آسرکرت بلی بازہم
گیشترین تعلیم و وانگا بناکرت و بہ ۱۹۸۴ سالی اپریلا وتی (پی. اچ. دی) ی کاگدا گپت.

داکتر "لعزاد" شیرو شاعر یا شہ ۱۳۵۱ سالہ بناکرتہ و آبی بازین شیرانا وش گت و وش توارین
شیرجن گون سازو زیملا بہ رادیو افغانستان و آل انڈیا رادیو ثبت و ریکارد کرتگنت کہ ہروہدا
شہ ای رادیوان شینگ وتالانہ بنت و بازین اوشکنوکانی وش و پسند انت.

لعزاد تانکا بلوچی زوانی شاعری نہ انت، بلکین بہ دربی زوانا ہم بازین شیری گشتگیت و آبی بازین
شیری بہ حالتک و ہپتگ تاکان چاپ و شینگ بوتگنت. لعزاد برزخیالین شاعری انت کہ گیشترکی
آبی چاگردی جاور و حالت بہ آبی شیرانی تھا روشہ بیت. آگہ پہ ہورت چاری دیستگ بیت دوچیز بہ
آبی شیرانی تھا باز انت، یکی وطن دوستی جذبگ و جوش و آگہ گون مردما مہرو دوستی.

لعزاد وتی یک شیری تھا گون وتی ماسیین وطن شہ آبی پُسگانی عہد و کولا ہبرہ دنت وشیت
کہ پہ آبی لچ و میاری خاطر پہ وتی سرو مالی ندر کرتنا اوشتاتگنت.

عہد کرتگنت تی مرد و جن ورنہ و پیر گونہو مزن

تا کہ نفسی بیت می سرا تی دشمنی دیما گرن

حقنت بکنین ترا احترام

تی بیرغی دیما سلام

دگہ شیری:

خیالان ترا منی چم گندگا انت

ترا شہ من دل ہر دم لوپگا انت

نہ کایی تو کہ بگندی چوکباون

غمی زبانی گون دوستی نندگا انت

شپی کپتون تھی یات و خیالا



گجا دل بی تی یاتا زندگا انت
 به و ابا چکتون دُرين دپا تی
 شه شوقا دل تننگا درکگا انت
 دمی بیا عاشقی سوجا بگرتو
 تهی راها شپ و روچ چارگا انت
 منادات کاسدا انچوش مستاگ
 بیال لعلزاد تهی دوست آیگا انت

لعلزادی لهتین عشقین شیر به رادیو افغانستان و آل اندیا رادیو ثابت و ریکارد بوتگنت به ای
 هر دوین رادیوانی بلوچی پروگرامان شینگ و تالان بوته و بنت، لعلزاد وتی عشقین شیرانی
 تها شه وتی مهلنج و مهگونگین دوستا گلگه کنت و کدی کدی وتی پردرد و دورین دلی حال
 و مهلنجی پلمه و نیمونانا بیانه کنت وشیت:

خیرمه گندی منی دلا هون کتی وت شتی زاریا نیمون کتی

دلی گل

تهی عشق منی دلا جاگیت وتی غم منا تباہ کرتنت
 منی دل گون ته منتیت و ترا شمن جتا کرتنت
 شه منی پاکین محبتان اسوت باز بد گمان بوتنت
 قسم بتی دوکین چمان غلط گشتنت خطا کرتنت
 شپی و اب شمنی چمان شوت ندیستون شادیی دیما
 تی ارمان منی دلا منتت وتی هجرمناسزا کرتنت
 اگر ترامیل وفای بیت یا لعلزادی شفاهی بیت
 منی حونین دلا گل دی که انچو با وفا کرتنت

معلمی تچ و تاگ:

* نوکین سبخی سرگالا به تختی دیما لکیت و شه وانندگان سکین دیوکین جسته کنت.



* شه وانندگان لوټیت که وتی کتابانی دیما بچارنت و بشکننت، سبځا په برزین تواری وانیت و نوکین گالاناگون مانایش به تختی دیمالکیت.

* واندگانا سی باره کنت که گون وت په ای شاعر و نویسوکی باورا هبر بدینت.

* په واندگانی اوشکتنا کسانین مطلبی گشیت.

* په گشتگین مطلبی باروا لهتین جسته کنت.

* شه سی واندگانا لوټیت که په رون چیزی که دیما شه جستان اوشکتنگت یکواردگه شه بر په برزین تواری بگشت.

واندگانی تچ و تاگ:

* کتابانی دیما چارنت و معلمی تواری که سبځا وانیت کوشکننت.

* نوکین گالاناگون مانایش شه تختی دیما به وتی کتابچهان لکنت.

* دو واندگ ای سبځا په برزین تواری واننت.

* چیزی که معلم په اوشکتنا گشیت کوشکننت.

* اوشکتگین مطلبی باروا جستانی پسوا دینت.

* سی واندگ چیزی که دیما شه جستان اوشکتنا یکواردگه شه بره گشیت.

* چیزیکه په آوان گشتگه بیت لکنت.

شه وت کرتن:

واجین معلم په واندگانی شه وت کرتنا که بارین سبځا په شری هیل زرتگنت آگه نه شه آوان لهتین جسته کنت، پسوانا کوشکننت، سوگه وراهشونیه کنت.

گسویین کار: واجین معلم واندگانا سوگه کنت که ای شاعری هماشیرا که په وطن گشته به وتی کتابچهان بلکنت.



عبارت و آبی ڊول

مخسد:

- وانندگ سبخابواننت وبلکنٺ.
- عبارت و آبی ڊولا درست کننت.
- عبارت و جملی توپیرا بکننت.

جست:

- کی عبارتئی تعریفا گشتگه کنٺ؟
- عبارت و جملی توپیرا کیه زانت؟
- عبارتئی مانا پوره انت یا جملی؟

دویا گیشترین گال (کلیمه) که یکی آدگری تابع و مرکبین زانگی تسررسینوڪ بنت عبارت گشتگه بیت.

عبارت شه دویا گیشتر گالان انچو جور بوتگیت که شه آبی پورهین مانا و زانگی گیتگه نه بیت، پمیشا هچبر عبارت جملی حسابه نه بیت، جمله شه عبارتا گیشتر مخسدا نشانه دنت و شه دگه سونی جملی اصلین کوت وبار چو: مبتدا، حال و یا جملی دگه بار به عبارتئی تنها نه کانت چو: منی پس - یک عبارتئی انت و آگه بگشن منی پس آت، دگه ایش جمله یی انت نه عبارتئی پرچی که پورهین ماناداریت.

سادگ و لس ولورین (مرکبین) عبارت:

سادگین عبارت شه دو جتاین گالان جوره بیت. لس ولورین عبارت شه گیشتر شه دو جتاین گالان جوره بیت، چو جالگی عبارتان:

لورئی ټاک نیمروچی جلا جلا، چارنیمگا، هیت دانگ پنسل، زرنجی براهدارین شار، زمستانی سردین شپ، مُریدی مهلنج، سورین گورگ، جکی پهل.

شه برزگی عبارتان مریدی مهلنج، سورین گورگ، جکی پهل، چارنیمگا سادگین عبارت انت.



لواری ٲاك نیمروچی جلا جلا، هٲت دانگ پنسل، زرنجی براهدارین شار، زمستانی سردین شٲ مرکب (لس ولورین) عبارت انت. معلمی تچ وتاگ:

* سبخی سرگالا به تختی دیما لکیت و شه وانندگان سکین دیوکیں جستہ کنت.

* سبخا په برزین تواری وانیت ونوکیں گالاناگون مانایش به تختی دیما لکیت.

* شه دو وانندگا لوٲیت که ای سبخا په برزین تواری بوانت.

* وانندگان سی باره کنت که گون وت ای سبخا بوانت.

* په وانندگانی اشکتنا کسانین مطلبی گشیت.

* گشتگیں مطلبی باروا شه آوان لهتین جستہ کنت.

* شه سی وانندگا لوٲیت که چیزی که دیما شه جستان اشکتگنت یکواردگه شه بر په برزین تواری بگشت.

* په وانندگانی لکتنی مهارتی پرواک کرتنا چنت جمله په آوان گشیت.

وانندگانی تچ وتاگ:

* سکین دیوکیں جستانا کوشکننت، به پسوانی پکرا بنت.

* معلمی تواری که سبخا برزه وانیت کوشکننت، نوکیں گالاناگون مانایش شه تختی دیما به وتی کتابچهان لکنت.

* چیزی که معلم گشیت کوشکننت.

* اوشکتگیں مطلبی باروا جستانی پسوا گشت.

* سی وانندگ چیزیکه دیما شه جستان اوشکتہ یکوار دگه شه بره گشیت.

* چیزی که په لکتنا په آوان گشتگ بوته لکنت.

شه وت کرتن:

په سبخی شه وت کرتنا که بارین وانندگ په شری هیل زرتگنت آگه نه شه آوان لهتین جستہ کنت، پسوانا کوشکننت، سوگه راهشونیه کنت.

کسویین کار: واجین معلم وانندگان سوگه کنت که ای سبخا به وتی کتابچهان

بلکنت و شه بر بکننت.



پاکیزہ گیا دلگوشی



مخسد:

- وانندگ سبغا بواننت وبلکنت.
- پاکیزہ گیی کدرا بزانت.
- به پاکیزہ گیا دلگوش بکننت.

جست:

- کی پاکیزہ گیی باروا هبرداتگه کنت؟
- پاکیزہ گیی په اما چی نپ و پایدگ داریت؟
- پچی باید اما به پاکیزہ گیا دلگوش بکنن؟



پاکیزه گی بنیادمی دُرایی و جوړی و شان و عزتی سرا مزین تاثیر داریت، اسلامی پاکین دین مسلمانانا جخت و سوگه کنت که و ترا پاک بسانت پمیشا پاکیزه گیا ایمانی باری زانت.

بنیادم باید انت به باز نیمگ و پانادان به پاکیزه گیی سرا دلگوش بکنت، شه دست و دپ و ناون و جانا گپته تاگس ولوگ و کوچگ و شارا ای مچینانی پاک ساتن پاکیزه گیه کاریت.

بنیادم که کاروتچ و تاگه کنت به جانئی حاک و پلکه رسیت یا ارخه کنت باید انت باززوتی وتی جانا بشودیت که حاک و پُلک و ارخ زیان بنت، همیکه اما به شپ وروچی نمازانی وختا وتی دست و دیما شودن و به وهده و وختی وتی جانا شودن و نیلن که حاک و پُلک و ارخ امی جانا بنندیت په اما باز پایدگ و کپ داریت و رازرازی نادراییانی دیم گپتگه بیت.

همی راز دپ و دنتانانی مزواکی جتن و برس کرتن هم په امی دروایا کتوک انت، وهدی که دپا مزواکه جنن یا پرسه کنن هما هورت هورتین ورگی که به دنتانان جاه گپتگنت دورکرتگه بنت.

آگه کسی وتی دپ و دنتانانا، نه شودیت و ورگی به دنتانانی تها ماننت آیی دپ بوگیت و کراکرا میکروپ جاه گرننت، که رازرازی نادراییانی سببه بنت یا ایشکه دنتان کلپک و خرابه بنت و به دردا کاینت، وهدی که دنتان دوری ودی بوت، دنتانی کشگی ضرورت ودیه بیت وهمی که دنتان کشتگ بوت مزین نعمتی شه دستا روت.

همی راز دگه چیزیکه په امی دُرایی ودپ و دنتانان تاوان داریت، نسوار، چلیم و سیگار انت، نسوار که گون آهکا جوړه بیت باز گندگین ناجوړی ودیه کنت، سیگار و چلیم که دوت دارنت، شه دوتانش تاوان ودیه بیت، دگه ضرور انت که بنیادم شه نسوار، سیگار و چلیما دوری بکنت. و بزانت که شه ای عملان گندگین نادروایی ودیه بنت.

انون آ وهده و وخت رسته، که مچین باید انت په پاکیزه گیا دلگوش بکنن، آگه کسی نسوار کنت، نسواری تو کرتن دگرانی بدبریا ودیه کنت کسی چون دله کنت که به دگرانی دیما نسوارتوبکنت ویا ایشکه سیگار و چلیم دوت کنت، ایش نه تانکا په عملیا جوان نه انت بلکین په هماوان که نژیکی نشتگنت یا شه اودا سرگوزه بنت تاوان داریت.

بنیادم باید انچین کاری مه کنت که په وت و دگران جوړینگی و ج بیت، آگه کسی را جکگه گیت



باید دسمالی به وتی دپ و پوزی دیما بگیت که به جکنئی وهدا شه آبی دپی آپان به دگری سرو
دیما مه رسیت، هر جا تو مه کنت و دگری دل بدیی وج مه بیت

به شپ وروچی تنها چنت وارگون صابونا دستانی شوشتن باز کتوک انت، هر چنکس دست
پاک بنت په بنیادمی دُراییا کت داریت، پُچ و لیس و مُچین ازباب و وسیلی که شه آوان شپ
وروج کارگپتگه بیت باید پاک بنت، نشتنی جاگه وهدن ووپتنی نپاد و جاگه، گس و لوگ، سرا،
کوچگ و الک پاک ساتنگ بیت، به گس و سرا و کوچگ و الکی پاکیا مدام دلگوش بیت
وهدی که گس و جای روپتگه بیت باید دپ و پوز بستگ بیت و روپوک به هر جا پربنتگ
مه بنت که مسسک و لولوک ودیه بنت که هر نیمگی رونت وپه مچان تاوان دارنت، آگه گس،
گسانی دیم، سرا و کوچگ پاک ساتنگ بنت، براه وزیب و پاکیزه گی ودیه بیت که په دُراییا که
مزمین نعمتی انت پایدگ داریت.

گیشتر به ای بارا عزیزین براس و گهارین مکتبی که گون وتی معلمانی سوگه وراهشونیان پاکیزه
گیی پیدگ و کتا زانتگنت، وتی صنف، مکتب، لوگ، سرا، کوچگ و الک و شارئ پاکیی
کدرا زاننت په پاکیزه گیا باز دلگوشه کننت. نه تانکا ایش که وت کچت و ککپین چیز، کاگد،
روپوک و ویلین چیزانا هر جا نه پربنت بلکین شه وت کسترانا هم سوگه وراهشونیه کننت که به
وتی پاکي و پاک ساتنا دلگوش بکننت و ای کار وت سببه بیت که پاکیزه گی گیش بیت.
معلمی تچ تاگ:

* ای سبخی سرگالا به تختی دیما لکیت و شه وانندگان سکین دیوکین جسته کنت.

* سبخا په برزین تواری وائیت و نوکین گالانا گون مانایش به تختی دیمالکیت.

* وانندگانا سی باره کنت که گون وت په پاکیزه گیی باروا هیر بدینت.

* په وانندگانی اوشکتنا کسانین مطلبی گشیت.

* گشتگین مطلبی باروا شه آوان جسته کنت.

* لوپیت که سی وانندگ په رون چیزی که دیما شه جستان اوشکتگنت یکواری دگه شه بریه برزین
تواری بگشت.



* په واندگانې لکتني مهارتي پرواک بوتنا چنت جمله په آواني لکتنا گشيت.
واندگانې تچ و تاگ:

- * سکين ديوکين جستانا کوشکننت به پسواني پکرا بنت.
 - * سبځا کوشکننت، نوکين گالاناگون مانايش شه تختي ديما به وتي کتابچهان لکت.
 - * واندگ به سي باراگون وت په پاکيزه گي باروا هبره دينت.
 - * چيزي که په اوشکتنا گشتگه بيت کوشکننت.
 - * اوشکتگين مطلبی باروا جستاني پسواگشت.
 - * سي واندگ چيزيکه ديما شه جستنا اوشکته يکواردگه شه بره گشيت.
 - * چيزي که په لکتنا په آوان گشتگه بيت لکت.
- شه وت کرتن:

- واجين معلم په واندگانې شه وت کرتنا شه آوان لهتين جستنه کنت، پسوانا کوشکننت،
سوگه وراهشونيه کنت.

کسويين کار: واجين معلم واندگانا سوگه کنت که هرگجامي په ايشي که به وتي جاگه وهندا
چون به پاکيزه گيا دلگوش کرتنه وکنت کسانين نمشتانکي بلکيت.



سلا و شورئ کدر

مخسد:

- وانندگ سبغا بواننت و بلکنٹ.
- سلا و شورئ کدرا بزائنت.
- به کارانی تسررسینگاگون دگران سلا و شورئ بکننت.

جست:

- کی سلا و شورئ باروا هبرداتگه کنت؟
- سلا و شورچی نپ و پایدگی داریت؟
- به کاران شماگون کی سلا و شورہ کنت؟

شه اسلامی پاکین دینی سوگه و جختان یکی ایش انت که گون وت سلا و شور بکنن. سلا و شور جوانین آسر و نتیجی داریت، گشت شه یک پکر و خیالی دو پکرو خیال گهتر انت، آگه مردم په وتی جندی ویا جامعی سکینانی زیان کرتناگون دانندگ و سریدین مردمی یا لهتین سریدان سلا و شورہ کنت باز جوان انت و شه ای کاراشرین پیدگ وکتی گیت.

مثالی پیمما:

- الکی بازمن انت و بازین زاگی انت که به مکتب و مدرسئ روگی سنا انت و باید سبغ بواننت و تعلیم بزورنت و شه دین و دنیای کاران سی و سرید بنت، آگه الکی نندوک گون وت دیوان و هبر و سلا و شور بکننت که په مکتبی جوړ کرتناگون تعلیمی وزارتت کمک بکننت و مکتبی جوړ بوتنی بنیاد اشتنی و هده و پاسا مالوم کنتت زیرین کاری کنتت که شرین آسر و نتیجی داریت.



- یک الکی بازین مردمی به باگذاری و کشارگری کاران دست گپ انت و شه وتی باگذاری و کشارگریا هر سالگ مزین برواصلی به دستا کارنت بلی همیکه حاصل نزاورتگه بنت شه پکش و پکتگین راه و سرکی نه دارگی سببا ای حاصل به وهده ووختی به دگه شارو بازاران رستگه نه کننت و سلپنت و خراب بنت و شه بها بوتنا ماننت که بازین تاوانی په مردمان ودیه بیت، آگه ای مردم گون وت نندنت و په وتی سکیی حلاینکا سلاو شوره کننت و راه و سرکیی جور کرتنی پهرا دستایکی کننت شه وتی سلا و شورا جوانین پیدگ و کتی گپتگه کننت و ای سکیا حلایننت.

- یک الکی انت که دُرابی کلینیکی نه داریت، کسیکه ناجوره بیت په بازسکی و سوری به دگه جاگی کلینیکا سره گیت، بلی زوتی نه رسیت، ای الکی نندوک گون وت نزه کایت، سلا و شوره کننت په وتی الکی کلینیکی جور کرتنا به پیسلئ رسنت و هبرا به آولایتی دُرابی ریاستا رسیننت و وتی هرورئ مدت و کمکی وعده وکولا دینت، جوانین آسر و نتیجی به دستا کارنت که په الکی مچین نندوکانی پیدگ و کتا انت.

- همیکه مکتبی آگده دارگون معلم و صنفانی کپتانانی بهردارگا په مکتبی میداننی سرسبز کرتن، نهال و درچکانی نادینتن و پاکیی کارانی دربرتنا دیوان و سلاو شوره کننت و رندا شه دیوان و هبرا ای کارانی تسر رسینگا بنا کننت، شه سلاو شورا جوانین آسر و نتیجی گرت.

- وانندگی که په وتی سبخ و تعلیمی گهترین دیما برتنا گون وتی حکدارو درستی و سیادان سلا و شور بکنت شه وتی سلا و شورا جوانین آسر و نتیجی گپتگه کنت.

مخسد ایش که به هرکاری گون دانندگ و سریدین کسان سلا و شور کرتن جوان انت سبب ایش انت که همیکه گون دگران سلا و شوره بیت، دگری نظر و خیال هم روزه بیت و شه یک مردمی پکرا دو مردمی و شه دوا چنتی پکرو نظر گهتر انت.

دگه په ایشی که شه وتی کارا جوانین آسر و نتیجی گپتگ بکنن و به دگه وهدی پشیمانی مه کشن گهتر انت که دیم شه دیما به هرکاری سلا و شور بکنن.



معلمی تچ وتاگ:

* وانندگانا سی باره کنت که گون وت په سلا وشوری کدری باروا هبر بدینت.

* په وانندگانا اوشکتنا په آوان مطلبی گشیت.

* گشتگین مطلبی باروا شه آوان جسته کنت.

* شه سی واننگالوتیت که په رون چیزی که دیما شه جستان اوشکتگنت یکواردگه شه بریگشت.

* په وانندگانا لکتنی مهارتی پرواک کرتنا چنت جمله په آوانی لکتنا گشیت.

وانندگانا تچ وتاگ:

* دو واننگ ای سبخا په برزین تواری واننت.

* واننگ به سی بارا گون وت په سلا وشوری نپ وکتی باروا هبره دینت.

* چیزی که معلم په اوشکتنا گشیت کوشکننت.

* اوشکتگین مطلبی باروا جستانا پسو دینت.

* سی واننگ په رون چیزیکه دیما شه جستان اوشکتنا یکواردگه شه بره گشت.

* چیزی که په لکتنا کوشکننت، لکت.

شه وت کرتن:

واجین معلم په سبخی شه وت کرتنا که بارین واننگ په شری هیل زرتگنت آگه نه شه آوان


لهتین جسته کنت، پسوانا کوشکننت، سوگه وراهشونیه کنت.

گسویین کار: واجین معلم وانندگانا سوگه کنت که سلا وشوری نپ وکتی باروا پنچ کشکی

کاسا بلکننت.



لیکو چی انت



مخسد:

- وانندگ سبخابواننت و بلکنت.
- لیکوی مانا بزانت.
- شه لیکوی گشگی مخسدا سی بنت.

جست:

- لیکو چیا شنت؟
- کی لیکوی اوشکته؟
- لیکو په چیا گشتگه بیت؟

لیکو بلوچی زوانی فولکلورین شیری انت، که شه یک مردمی به دگه مردمی و شه یک جاگهی به دگه جاگهی رسته، به مالدارانی گدان و ده و الکان لیکو گشتنی دیوان جوړه بنت، ای نراتن و دیوان گیشتر به شپان جوړه بنت، آکه سروزا زانت سروزه جنت ویگجا گون سروزی توارا لیکوا وانیت و گاه وختی دیوانی نندوک هم به وانگا گون آبی هار بنت.

لیکو گیشتر غمین جاوړو حالتی کاریت و دل تنکی وجه بیت، نا امیتی هیرانا پاده کنت، زندگی وړوډولا نشانه دنت، چیرکابین عشقی درا کنوک زانتگه بیت. بازوهدان دیستگ بوته هما که لیکو جنت وتی واهگ و مرادا په چیزی دستا آورتنا بیانہ کنت یا ایشکه په وتی ماہرنګین مہلنجا وانیت، دگری وتی پس، ماس، براس و دگه دوست و سیادا گون لیکوی وانتنا یاته کنت.

لیکو گیشتر به نا وانتین مردمانی تھا گشتگه بنت که آ وتی دلۍ چیرین واهگ ولوتگا گون عشقی، نا امیتی و گیلگی هیرانی داتنا درشان کنت لیکو په هر چیزی گشتگه بیت.





عشقیں لیکو:
رودئ او مالا
دوربدئ دسمالا
رودا غدئ بکن
دیما پدی بکن
راه که دوراه بوت
دل منی دوجاه بوت
رای روی کنٲ
ته بیا شکرلنت
کای وکوشتی
منی دلا پروشتی
چمانا مکن سیاه
کسی مه زانت ترا
چمانا چاربدئ
منا بزوروبال بدئ
سرینا ته خم بدئ
چکی په چم بدئ
لیکوی دگه چیدگی:
جامگی دوچئی زیب دنت تویی
برکین بیکان ترینزنت بویی
جامگی دوچئی کری نا دوچ انت
کاگدی دیم بدئ آخرئ روچ انت
سری منی درد کرت گوسری پوستا



دل منی منت په منی دوستا
 موپری گوریت روت په مارگوا
 وش کشیت گوات کاریت تی بوها
 تی دپ و دنتان چون جوهردارنت
 شپینگین پوز تی چون په جاننت
 دگه چیدگی:
 دُرین آهلو ته نون گجایی
 منی روچ انت سیاه په چی نه کایی
 نون منتگون تانا
 اشتی وشوتی آسردگارا
 دوری و نه کشکنی توارا
 دل هوش منی گون ته شتگ حال نه دارین
 پت پت ارسه گوارین
 سوتون شه غماچو بنجلوکی
 نون نشتگون بی یار چو گنوکی
 منی گریوگ و منی نالگ وتلواسگ وفریاد
 ای درین پریزاد
 دارین به دلا باز امیت
 منی ماهین "مراد" مراد بلکین پدا بیت

* * *

همی راز لیکو په ماریین اشتر، مزین مچی، سرمچاری و دگران هم گشتگ بوتگنت.

معلمی تچ وتاگ:

* سبخی سرگالا به تختی دیما لکیت و شه وانندگان سکین دیوکین جستانا سوجه کنت.

* سبخا په برزین تواری وانیت و نوکین گالاناگون مانایش به تختی دیما لکیت.



* لوٲٲٲ که دو واننگ سبځا په برزین تواری بوانت.

* واننگانا سی باره کنت که گون وت په لیکوی باروا هبریدنت.

* په واننگانی اوشکتناکسانین مطلبی گشیت.

* گشتگین مطلبی باروا لهتین جسته کنت.

* شه سی واننگا لوٲٲٲ که چیزی که دیما شه جستان اوشکتنت یکوار دگه شه بر په برزین تواری بگشتت.

* په واننگانی لکتنی مهارتی پرواک بوتنا په آوان چنت جمله گشیت که بلکنت.

واننگانی تچ وتاگ:

* دو واننگ په رون گوستگین سبځا په برزین تواری واننت.

* معلمی تواری که سبځا برزه وانیت کوشکننت، نوکین گالاناگون مانایش شه تختی دیما به وتی کتابچهان زورنت.

گسویین کار:

ای سبځا به وتی کتابچهان بلکت و شه بریکنت.



جمله و آبی ڊول

مخسد:

- وانندگ سبخابواننت وبلكنت.
- جمله و آبی ڊولانا درست کننت.
- پوره ین جمله و نیمکلوا بزانت.

جست:

- جمله چیا گشت؟
- کی جملی لکتگه کننت؟
- پوره ین جمله و نیمکلوچی توپیردارنت؟

هرچی که اما لوپن په یکی آدگرا بیان کنن، هر هبری که گشتگ یا لکتگ بیت، ضرور شه یک یا چنت گالا ردو بند وجوره بیت.

آگه هبری که دیان اوشکنوک په شری و پوره ین ډولی سرید نه بوت و نه زانت، آ هبر نیمکلو مانیت چو: گاجیانی براس، خان جانی گوروم، گرانازی سنگه.

آگه هبری که دین اوشکنوک په شری پوو سرید بیت ومخسدا بزانت دگه آیرا جمله شنت چو:

- تروک باز وش انت.

- ای گوک باز شیره دنت.

- میادادی پس شه سرگز آت.

جملانی مسترین بهر:

۱ - حُکمی: آانت که مخسدی یک کاری کرتن بیت. چو: بست و بره گلوی بیار.



۲- زانوڪ (استفهام): آنت ڪه مخسدي چيزي پرس و سوج بيت چو: اي ورنای نام ڪي انت؟

ته مروچي ڪرمدادا ديستي؟

۳- حال رسينوڪ: آنت ڪه يڪ چيزي حال واحوالا درا بڪنت، چو:
- پوريڪ رازي مُرگي انت ڪه پره ڪنت.

- آ مردڪي نام گاجيان انت.

۴- بيان ڪنوڪ: آنت ڪه يڪ جملي حالا روش و بيان بڪنت، چو:

- زي من اوشڪتون ڪه بلوچي زواني ڪتاب چاپ و شينگ ڪرتگ بوتگنت.

- ميش مرگ باز توپن پروڪين مُرگي انت.

اولي ودومي رازي جملا نا ليڪوڪين (نبشته ڪنوڪين) جمله هم گشت، جمله اصلا دوبار داريت ڪه حال رسينوڪ و بيان ڪنوڪ انت.

جمله يي ڪه گون دگه جمله يي لچتگ مه بيت، آيرا تانڪاين (يڪين و مفردين) جمله گشت.
حال رسينوڪ، بيان ڪنوڪ و ليڪوڪ، ايش مچي تانڪاين جمله گشتگه بنت و جمله يي ڪه گون دگه جمله لچتگ بيت آيرا لس ولورين (مرڪبين) جمله گشت. گشوڪين جمله به لس ولورين جمله يي تها ڪيت.

تانکا ولس ولورين جمله:

نصير! ته بست وڊنا سيل ڪن ڪه ڪي انت درا ٽڪيت، وري! چون مروچي تي تب ڪموروي بند انت، ته چون بي سروتوار نشتگي، شه تي دپا هيري اشڪتگه نه بيت، انشالله ڪه خير بيت، تراچي بوتگيت؟ وتي پيشانيءَ ڪرينچانا گاريڪن و لهتين دل وشين هبر بدئي، هو! ته گسي دپا پاچ ڪن ڪه ڪمي روشني بيت.

زانوڪي لهتين جمله:

- زي پچي مُراد مڪتبا نه شت؟

- په ڪي چم به راهي؟

- امبراني چنڪس زرت ڪشتي؟



- ته بارين كدين لوگايي كه من بيانين؟

- اي كشكانا كي پكته؟

- اي كي انت كه شپوله كنت؟

حكيمين لهتين جمله:

بيا كونتي سرا بنند! شه ديوالي سرا اير كپ! نه كوشكني من گون ته دارين! تاري ماله شه و ابا

بست! هر كاري سرا شريا دلگوش بكني! كمال بزور! گون مردمان په شري بگوازين!

بيان كنوكين لهتين جمله:

- عبدالرحمن "پهوال" شه امي مزن نام وتوارين دانندگان ات.

- امي وطن پراين پت و مزنين گيابان، تچوكين رود، برزين كوه، بزین بش وزول و مزنين كندياني

واوند انت كه په اما مچان سك گران انت.

هر چنت كه بيت وش دگرئ ملك و ديار

آبات و جهان جل و مزن نام وتوار

شهتي بتچنت جو و ليكن په نصير

شرترشه جهانانا انت وطني هشكين دار

عدد:

گالي انت كه چيزاني اوشماروتولا بيانه كنت، چيزي كه گون عدد اوشماريت آيرا معدود شنت،

پنج كلاك كړب و پنج بار دار زيتون، بري جملاني تنها پنج عدد انت

كلاك وبار معدود انت، به بلوچيي زوانا عدد شه معدودا ديمآگشتگه بيت چو: يك اسپي

زيتون، دوگتور بها كرتون، يك و دوچيلگي هوشگ چي انت كه مردم په آبوسا بارت، مردم

كه كسي پاليزئ تنها پترت يك و دو تروكه وارت، عدد په نرين و مادگينا يك ډول كارمرزه بيت

چو: ده جن، ده مرد، پنج سال و پنج ماه.

عدد دو ډولا انت: بسيط و مركب.

۱ - بسيط: آ انت كه يك جزيت چو: صفر، يك، دو، سي، چار، پنج، شش، هپت،



هشت، نه.

۲ - مرکب: آنت که شه دو جزا جوریت چو: یانزده، بیست ویک، سی وشش، چهل یک، پنچاوسی، شصتوچار، هپتادو دو، هشتادو پنج، نودویک.

معلمی تیچ و تاگ:

* ای سبخئی سرگالا به تختی دیما لکیت و شه وانندگان سکین دیو کین جسته کنت.

* سبخا په برزین تواری وائیت و نوکین گالاناگون مانایش به تختی دیما لکیت.

* وانندگانا سی باره کنت که هر باری گون وت ای سبخابواننت.

* په وانندگانی اوشکتنا کسانین مطلبی گشیت.

* گشتگین مطلبی باروا لهتین جسته کنت.

* لویتیت که سی واننگ چیزی که دیما شه جستان اوشکتگنت، یکواردگه شه بریگشت.

* په لکتئی مهارتی پرواک کرتنا په وانندگان چنت جمله گشیت.

وانندگانی تیچ و تاگ:

* سکین دیو کین جستانا کوشکننت، به پسوانی پکرا بنت.

* سبخا کوشکننت و نوکین گالاناگون مانایش شه تختی دیما به کتابچهان زورنت.

* چیزی که معلم په اوشکتنا گشیت کوشکننت.

* اوشکتگین مطلبی باروا جستانی پسوا دینت.

* سی واننگ چیزی که دیما شه جستان اوشکتی یکواردگه شه بره گشت.

شه وت کرتن:

واجین معلم په وانندگانی شه وت کرتناکه بارین سبخا په شری هیل زرتگنت آگه نه

شه آوان لهتین جسته کنت، پسوانا کوشکننت.

گسویین کار: واجین معلم وانندگانا سوگه کنت که ای سبخابه وتی کتابچهان بلکننت و شه

بریکننت.



اوستاتن و نشتن

مخسد:

- وانندگ سبغا بواننت و بلکنت.
- اوستاتن ونشتنی کدرا بزانت.
- گون دگران په اوستاتن ونشتنا خو بگرت.

جست:

- کئی اوستاتن و نشتنی باروا هبرداتگه کنت؟
- شما گیشتر گون کئی اوستاتن ونشتن دارت؟
- جامعی سکی و سوری و گل ووشالی به کئی ربط دارنت؟

گون وتی، سیاد وهمسروگ و همراکان اوستاتن ونشتن و روگ و آینگ جوان انت یک جامعی مردمانی غم و وشالی مچانی انت همیکه سکی و سوری و دیه بیت دگه مچانی ناكراری و وجه بیت و وهدی که گل ووشالی و دیه بیت دگه درستین مردم گل ووشال بنت، گشتگه کنن که به آوانی میانجینا یگجابهین ربطی دیستگه بیت.

اما باید انت دگرانی کدرا بزانت و منن که آ امی جامعی کتوکین باسک انت و اما به وتی اجتماعیین زندگیا گون وت ربط و بستگی دارن، دگرانی کدرو خاطرنا داشتن ونیکین سلوکئی بازآسان و اثرناکین راه سلام داتن انت. اسلامی مزین پیغمبر حضرت محمد ﷺ گشتگیت: "به خداوند ﷻ دیما باز جوانین بنیادم هما انت که وهدی که گون دگه بنیادمان دیم په دیمه بیت شه مچان دیما سلام بدنت"، اسلامی مزین پیغمبر هرکسا سلامه دات، اما که آیی امت و



پدروک ان باید انت یکی آدگرا سلام دین و به ایشی بزائن که سلام داتن به امی میانجینا مهر و دوستیی ودی بوگی وجه بیت.

باید کوشست بکنن که گون میچان، شرین اوستاتن ونشتنی بدارن. به گپ و هبر کرتنی وهدا، وتی توارا آنکه بال میارن که دگرانی پسند مه بیت. وتی هبر و کرداری سرا واک داشتگ بن، به دگرانی هبرانی تنها مه پترن، هبرانش مه گلپن، بلن که دگرئی هبرالاس بنت، رندا رازی هبر بدین که نه باز برزیت و نه باز جال، هرهبیری وخت و وهدا بزائن، هبری که گشگی وهده ی مه بیت مه گشن، شه وت مسترینانا مدام احترام بکنن و په کستران دلسوچ و مهربان بن، آگه گون کسی وعده و کولی کنن به وتی وعده و کولی سراوشتاته وبه وهده وپاسی وعدا تسربکنن، آگه جای مهمان اتن روگ و سرگرگی وهده وپاسا شریا به هوشا داشتگ بن.

وتی دلئی چیرین حال و هبرانا گون هرکسا مدین، شه هرجاه وهر وهده توه کرتنا دوری بکنن، باز گندگ انت که دگرانی دیما و جا و نا جا توه کنن، آگه کسی ردی کرت سرئی مه هندن و ملنله مه کنن، بزائن که هما راز که، اما نه لوپن کسی امی سرا بیندیت و امی سرا ملنله دیت، دگه همه نه لوپنت. وتی احترامما به دگرانی عزتداریا بگندن و بزائن که آگه اما لوپن که امی عزت بیت باید دگرانی عزتا بدارن.

هچبروترا شه دگران برزترو گهتر مه زانن، انچو مه گشن که شه دگران پوو سرید ترن، بلکین وترا کستر پکرکنن، گیشتر کوشست بکنن که دگرانی هبرانا بشکنن و امی جند کمترهبر بدین. شنت کسیکه هبره دنت کشیت و آگه کوشکنت درو کنت. آگه زر و دارایی واوندن امی جندئی کار انت دگرانی دیما باپکی مه کنن و شه وتی زر و داراییا هبر مه دین، هبر داتنی حدا به چمی چیرا داشتگ بن پرچنه یی و بازهبیری مه کنن کسی کوشکنت کسی نه کوشکنت، کارو کاسییی پدا روت، وهدی که هبره دین گندن که کسیکه کوشکنت، دم و پاس وتی ساعتا گندیت یا گانسیت، بزائن که شه امی هبران ژند بوته یا که لوپیت به وتی کاری پدا بروت. به ای بارا هرچنکس اما باز دلگوش بکنن، به وتی هبرو کرداران وتی هوشا بگرن به هما کچانا گون دگران اوستاتن و نشتنی وروپولا په شری زانته و عملی کرتگن و میچانی پسندی وره بن و آگه پدی مه گردن وهرچی که



شه دپا دربوت گشتن و هرچه شه دستا بوت کرتن و آسر و نتیجی نه چارتن، دگرانی دیما امی کدرورو جاله کیت.

جوانی و وش، وش هبری "مهرودوستی" داریت و انچو مانا دنت انسان که گون کسی دیم په دیما بیت وش انت، شه حضرت عایشه رضی الله عنها روایت انت که مردمی لوپت گون حضرت محمد ﷺ هبریدنت، وهدی که رسول خدا آ مردما شه دورا دیست، گشت: "آیی مچین کوم شه آیی بده برنت" وهدی که آ مردم آت و به پیغمبری نزدیکانشت، رسول خدا گون آیی جوانین سلوکی کرت وپه وشین سرودلی گون آیی په جوانی ووشی هبردات، وهدی که آ مردم شت. حضرت عایشه سببا سوج کرت که پچی گون آیی انچین نیکن سلوکی کرتی، امی مزین پیغمبر جواب دات: ای عایشه! کدی ته منا دیستگی که خشمین سلوکی بکنین؟ به کیامتی روچا بازیدین مردم همانت که انسان شه آیی شرو بلاهانی ترسا شه آیی دوری بکننت. اما که اسلامی مزین پیغمبری امت و پدروک ان، باید گون مردمان جوانین سلوک و کرداری بدارن و مدام گون پاجین پیشانی هبریدین و آوانی مهرودوستیا، سونی وت بگردین که په ای دولی به امی میانجینا اوستاتن و نشتن روچ په روچ ود و دیمریه کنت و به وتی اجتماعین زندگیا کتوکین آسر و نتیجی گیتگه کنن.

معلمی تج و تاگ:

* ای سبخی سرگالا به تختی دیما لکیت و سکین دیوکین جستانا شه وانندگان سوجه کنت.

* سبخا برزه وائیت، نوکین گالانگون مانایش به تختی دیما لکیت.

* شه دو وانندگا لوپیت که ای سبخا په برزین تواری بوانت.

* وانندگانا سی باره کنت که گون وت په اوستاتن و نشتنی باروا هبریدینت.

* په وانندگانی اوشکتنا کسانین مطلبی گشیت.

* گشتگین مطلبی باروا شه وانندگان لهتین جسته کنت.

* لوپیت که سی وانندگ چیزی که دیماشه جستان اوشکتگت یکواردگه شه بر په برزین تواری

بگشت.



* په واندگانې لکتني مهارتي پرواک کرتنا په آوانې لکتنا چنت جمله گشيت.
واندگانې تچ و تاگ:

* معلمې هبرانا کوشکننت، گسويين کارئ کتابچهانا په چارتنا پاچه کننت و به وتي ديماکلنت.

* دو واندگ، گوستگين سبخا په برزين تواری و اننت.

* سکين ديوکين جستانا کوشکننت، به پسوانې پکرا بنت.

* معلمې توارا که سبخا برزه و انيت کوشکننت، نوکين گالاناگون مانايش شه تختي ديما به وتي
کتابچهانا سپايگه کننت.

* سي باره بنت و هر باري جتا جتا سبخاگون وت و اننت.

* چيزي که معلم په اوشکتنا گشيت، کوشکننت.

* اوشکتگين مطلبې باروا جستاني پسوا گشت.

* سي واندگ چيزي که ديماشه جستان اوشکته يکواردگه شه بره گشت.

* چيزي که معلم په لکتنا گشيت، لکت.

شه وت کرتن:

واجين معلم په واندگانې شه وت کرتنا که بارين سبخا په شري هيل زرتگنت آگه نه شه آوان

لهتين جسته کنت، پسوانا کوشکننت، سوگه وراهشونيه کنت.

گسويين کار: واجين معلم واندگانا سوگه کنت که اي سبخا سي وار به وتي گسان بواننت و

چيزي که به هوشيش منت شش کشکي کاسا به وتي کتابچهانا بلکننت.



نکل

مخسد:

- وانندگ سبڤا بواننت وبلکننت.
- شه راستکارین زاگی نکلا سی بنت.
- شه ای نکلا پنت بزورنت.

جست:

- کی نکلیه زانت؟
- پنت و آسمانکانی وانتن چی نپ وکتی داریت؟
- پیره مردی راستکارین زاگی نکلا اوشکتگت؟

ات و نه وت به غدیمی وختان پیره مردی ات که کسانین زاگی داشت، آی زاگا په شری ساتت و په جوانی رودیننت، ای زاگ که وتی جال وبرزو زانت و مزن بوت شه بازین سدک وراستیا نام وتواری واوند بوت.

روچی به جوی کرا وتی دست ودیما ششت، آپی سرسرا سیبی دیست، سیبا شه آپی تها زرت ووارت، رندا به هوشی آت که ای سیب شه دگری باگی به جوی تها کپته و آب آیرا ادا رسینته، به باگی واوندی ودی کرتنی پکرا بوت که آیرودی بکنت و شه آپی بلوتیت که سیبا په آپی بخشاییت.

جال و برزو شت و ایشک و آشکا چار کرت. باگی واوندی باروا شه هرکسا سوچ کرت. رندا شه پرس و سوچا باگوانا ودی کرت و سیبی نکلا گشت. شه آپی لوتت که ای سیبا په آپی بهیل بکنت، بلی باگوان به پسوی گشت: من باگی واوند نه اون، باگی واوند سی براس انت، من تانا همآگونپینی گسا دیستگون، په زاگا آپی گسی نشانیگشت، ای راستکار و پرهیزگارین زاگ شه



نشانیی دیماگسا ودی کرت، گون آبی نشت و سییی نکلا کرت و شه آبی لوپت که بهیل کنت که سیبا وارته، آمردگشت: من وتی بارا په ته بهیل کرتون، انون بره منی دومی براسیا که آهم وتی بارا بهیل بکنت، آگه نه؟ پیره مردی راستکارین زاگ دومین براسیا که نورانین مردی ات ریش و سرئ مودی سیاه و سپیت اتنت شت، سییی نکلا په ایشی هم کرت و گشت که شمی کسانین براس وتی بارا بهیل کرت و یخشات، آگه مهربانی بکنی ته هم وتی بارا بهیل و بخشایی جوانه بیت، دومی براس هم وتی بارا یخشات و آیرا گشت: انون امی مزین براسیا بره، پیره مردی راستکارین زاگ به آوانی مزین براسیا که نورانین مردی ات شت، سییی نکلا کرت و گشت که تی کسانین براس و دومی براس وتی بارانا په من بهیل کرت و یخشاتگنت، من تیا آنگون که ته هم وتی بارا په من بهیل کنی و بخشایی آمرد شه پیره مردی زاگی سدک و راستیی سیبا بازوشال بوت و وتی دلئ تها گشت ای ورناباب منی جنکا داریت، من انچین کسی لوپتون. رندا زاگاگشت: من یک شرطی دارین، پیره مردی زاگ گشت: بگش که تی شرط چی انت؟ آگشت: من یک شل، کوروگنگین جنکی دارین، آگه آیرا بگری و شه بین و ترا بهیله کنین، زاگ یک شپ رساک لوپت که گون وت پکر بکنت، آمرد آیرا رساک دات.

زاگ گون وت یک شپ پکر کرت و ای مچین رنج و خواریانامت و گشت: دنیای رنجه گوزنت، بلی آذنیای عذاب سک انت، باندی روچا به ای مردیا شت و گشت: من تی شرط قبول دارین. آمرد دوست و سیاد و حک و حکدارانا سی کرت و وتی جنک و ای راستکارین ورنای سانگ و آروساگپت، شپ بوت، راستکارین ورنای زاگ کرار به گسی تها نشت که یک ماهرنگین چتین جنکی گسی تها پترت، زاگ باور نه کرت و به وتی دلاگشت که دگری انت تا دیر هبره نه دات جنکو خیاله کرت که البت زاگ ای و صلتا نه منیته شه آبی سوج کرت: مگه من تی لوپگی ورنه اون؟ زاگ وتی سرا بال آورت و گشت: تی پس گشتت که منی جنک کور، ل و شل انت. جنکو همدت و به وتی مردی جواباگشت: ته نه زانتگی کور به ای مانا که من تانون نامحرمین مردی راندیستگون. گنگ به ای مانا که تا انون گون نامحرمین مردی هبر نه داتگون و کسی منی توارا نه اوشکته، شل به ای مانا که تا انون من جایی نه شتگون و کسی راجیزی نه داتگون پمیشا ل، کور و شل حسابا کاین. راستکارین ورنای شه ای هبرانی اوشکتنا یک دل نه صد دل آیرا وتی لایکین جنین زانت.

ای راستکارین ورنای شه وتی سدک و راستیا وتی زندگیا به جای رسینت که دگرانی دیما کدر



و رو ودی کرت و آوانی دیما عزت و شانی واوند بوت.
معلمی تچ وتاگ:

- * ای سبخی سرگالا به تختی دیما لکیت و شه وانندگان سکین دیوکین جسته کنت.
 - * سبخبرزه وانیت ونوکین گالاناگون مانایش به تختی دیمالکیت.
 - * لویت که دو وانندگ سبخا په برزین تواری بوانت.
 - * وانندگانا سی باره کنت که ای نکلی بارواگون وت هبر بدینت.
 - * په وانندگانی اوشکتنا کسانین مطلبی گشیت.
 - * گشتگین مطلبی باروا شه آوان لهتین جسته کنت.
 - * لویت که سی وانندگ چیزی که دیما شه جستان اوشکتگنت شه بریگشت.
 - * په وانندگانی لکتنی مهارتی گیش کنگا په لکتنا لهتین جمله گشیت.
- وانندگانی تچ وتاگ:

* معلمی هبرانا کوشکننت، گسویین کاری کتابچهانا په چارتنا پاچه کنت و به وتی دیما کنت.

- * دو وانندگ په رون گوستگین سبخا واننت.
 - * سکین دیوکین جستانا کوشکننت، به پسوانی پکرا بنت.
 - * سی باره بنت و ای نکلی بارواگون وت هبره دینت.
 - * چیزی که معلم په اشکتنا گشیت په جوانیه کوشکننت.
 - * اوشکتگین مطلبی باروا جستانی پسوا دینت.
 - * سی وانندگ چیزی که دیما شه جستان اوشکتته یکواردگه شه بره گشت.
 - * چیزی که په لکتنا گشتگه بیت په شریه لکت.
- شه وت کرتن:

واجین معلم په وانندگانی شه وت کرتنا شه آوان لهتین جسته کنت پسوانا کوشکننت، سوگه وراهشونیه کنت.

گسویین کار: واجین معلم وانندگانا شیت آگه دگه نکلی زانت به وتی کتابچهان بلکت ودگه روجی به صنفی دیما بوانت.



دروگئ گندگی

مخسد:

- * وانندگ سبغا بواننت و بلکنت.
- * شه دروگئ گندگیا سی بنت.
- * شه دروگئ گشگا و ترا بسانتت.

جست:

- * دروگئ گشگ شرانت یا گندگ؟
- * کدی باید دروگئ دیم گپتگ بیت؟
- * چه سببه بیت که کسانین زاگ دروگه گشتت؟

دروگئ گشگ گندگین کرداری انت که بنیادمی شان و عزتا تاوانیه کنت. آگه شه کسان سالیای ای کارئ دیم گپتگ مه بیت مردمی خوبیت که گندگین آسرو نتیجی داریت، ایش په مچان مالوم انت که کسانین زاگ، شه هما کسانیی وهده و پاسان، وتی خانوادی مزانا چارنت وهرچیا گندنت هیله زورنت، سری وهدا کسانین زاگ راست و دروگا توپیر کرتگه نه کنتت و نه آنکس دروگئ تاوان و خرابیا زاننت، آدروگئ گشگا شه دگران هیله زورنت یا ایش که په دروگئ گشگا اړه بنت یا که په وتی کمی و تاوانی چیر و بر داتنا دروگه شنت.

همیکه کسانین زاگ رودنت و وش وش مزنه بنت گون وتی ایشک و اشکی جاور و حالتا موتگه بنت و کراکرا دروگ و راستی توپیرا کرتگه کنتت مگه انگته آنکس شه دروگ گشگی ملامتیا سی نه دارنت، گون مزانی هبری اوشکتنا، آگه راست مه بیت به پکرا رونت و گرتی ودیه کنتت. مثالی پیما یکی همسروگئ زاگ سرای دپا کیت و منگالی لوپیت ای سرای اووندی



کسانین زاگ وتی پسا سیه کنت و گشیت که همسروگی زاگ په مشمی منگالی پدا آته، ای کسانین زاگی پس وتی زاگاشیت بره بگش منگال پروشته، ای کسانین زاگ که گندیت که منگالش جوړ انت روت و همسروگی زاگاشیت که منگال پروشته زانت که ای هبردروگ انت و تواتو پسی شیت که منگال پروشته دگه ایش هم دروگی گشگا هیله زوریت و جای برسیت دروگه شیت و کراکرا دروگی گشگا خوگیت.

یا ماسی که نه لویتیت شه آبی گسی لک و تروک و وسیلان دگری کاربگیت، وهدی که لویتیت شه گسا جای په کاری بروت وتی جنکا شیت که آگه کسی چیزی پدا کات سیکه که مه دهی، آ که وتی ماسی ای هبرا کوشکنت، دگه به دروگ جوړکرتنی پکرا بیت که به وختی درمه مانیت و بگشیت، شه همدا انت که دروگی گشگی خو به سربه نندیت و آگه همسروگی جنک په روپونک و جوړوی پدا بییت، هما دما به جوابی گشیت که امی روپونک زیان بوتگیت.

دگه رندی دگه همسروگی جنین که آبی ماسی گوارکو انت په نان پچی پدا کیت، جنک ویلکی بیت و گشیت که امی نان پچ سوته، ایش به هبری سرا انت که ماسی که پنا شتت گسا کیت وهدی که شه هبرا سیه بیت حوصلی زیانه بیت و توار باله کاریت و گشیت: منو ترانه گشتتون که وتی تروا هم چیزی مه دهی. کسانین جنک حیران و هبکه مانیت، راه شه دیمی زیانه بیت و نه زانت که چون بکنت، مگه دروگی گشگی وړ و ډولا هیله زوریت که گجا، چون و چی رنگ دروگ بریت.

باید مزن به ایشی باز دلگوش بکنت که ای رازی پلمه و نیمونانا که دروگ انت، په وتی زاگ و جنکان مه گشتت که په آوان تاوان داریت، آوانی زندگی و آیوکی سرا گندگین تاثیر پرنیت. همی راز ماس و پس، نه باید گون وتی زاگ و جنکان، انچین سلوکی بکنت که آوانا بترسینت پچی وهدی که زاگ و جنک شه وتی ماس و پسا باز بترسنت آگه کاری شه دیمیش روته بیت دگه په وتی ملامتی زیان کرتنا په دروگی گشگا اړه بنت که ایش هم گندگین آسر و نتیجی داریت، ماس و پس باید انت و تی زاگ و جنکانا رازی مزن بکنت که شه دروگا و تراساتنت، آوانا وخت و رساک بدینت که به آوانی دیوان و مجلسان بنندنت و هبردینت، نه ایش که آوانا



په يک نیمونی شه گسا در کنتت که دنا برونه، کسانین زاکانی هوش باز تیز انت، زوت یک چیزی هیله زورنت.

اسلامی پاکین دین، دروگی گشگا سک گندگ گشته، مسلمانانا شه دروگی گشگا منع کرته، هما که په وتی نپ و پایدگا دروگه شیت پورهین مومنی نه انت، به اسلامین جامعا کسی به دروگ بری سرا باورودیه نه کنت و مچین مردم آیرا په سبکین چمی گندنت، همایکه دروگ شیت نه تانکا ایش که وتی شان و عزتا زیانه کنت، بلکین به وتی جامعی تنها پساتی پیدا بوتنی سببه بیت.

ماس و پس باید انت وتی بچک و جنکانا شه دروگی گندگین آسر و نتیجاسی بکننت و بگشتت که شه دروگا و ترا دور بساتنت و سدک و راستی داشتگ بنت که به وتی همراک، همسایگ و ایشک و اشک و جامعی تنها په شان و سربرزی زندگی بکننت و مچانی دیما باوری و ربنت. معلمی تچ و تاگ:

* سبخی سرگالا به تختی دیما نمشته کنت و سبخا په برزین تواری وانیت و نوکین گالاناگون مانایش به تختی دیما نمشته کنت.

* شه وانندگان لوپیت سی باربنت و گون وت په دروگی تاوان و خرابیی باروا هبر بدینت.

* په واندگانی اوشکتنا لهتین جمله گشیت.

* په اوشکتگین جملانی باروا شه آوان جسته کنت.

* شه سی واندگا لوپیت هما جملانا که دیما شه جستان اوشکتگنت په رون یکواردگه شه بر په برزین تواری بگشتت.

واندگانی تچ و تاگ:

* وتی هوشا به معلمی سوگه وراهشونیان گرنه، گسویین کاری کتابچهانا په چارتنا نشانه دینت.

* گون سکین دیوکین جستانی اوشکتنا به پسونی پکرا بنت، بارین پسو به سبخا داتگ بوتگنت.



* سبڤا په شري كوشكننت، نوكين گالاناگون مانايش شه تختئ ديما به وتي كتابچهان نمشته
كننت.

* هما جملانا كه معلم صاحب په اوشكتناگشيت كوشكننت.

* اوشكتگين جملاني باروا سوجاني پسوا دينت.

* سئ واننگ په رون هما جملانا كه ديما شه سوجان اوشكتگنت شه بر په برزين تواري
گشنت.

شه وت كرتن:

معلم په ايشي كه په وت مالوم بكننت كه واننگ سبڤا په شري هيل زرتگنت آگه نه شه آوان
لهتين سوجه كنت.

كسويين كار: واجين معلم واننگانا سوگه كنت كه نمشانكي په دروگي گندگيي باروا بلكنت
كه شه شش كشكاكستر مه بيت.



بزانت بلد

بزانت	گال	بزانت	گال
خراب، گندگ	ناشر	رو، ارزش	کلر
عزراييل، فرشته که نفساگیت	ملك الموت	شريک نه داريت	لاشريک
حوصله کرتن	خشمی وارتن	دوست، عزیز	حبيب
رسم و داب	دود ورییدگ	وهدی که	درگتی که
دور بکنت	بحلانییت	برزتر، شریدارتر	اشرف
جامعی	راجی	فرشته	ملایک
گندگی، دشمنی	بلدوھی	جال	ایر
آچش	اچ	گردن	گت
کرار، بی درد	ایرمات	ستا، ستاکنگ	ثنا
ندریگ، قربانی	دیمنونی	بگندن	بچارن
بی مانند، تاک	بی وپ	یات کرتن	ذکر
یک دما، زوت	یک هو	مدامی	ابدی
اوستاتن و نشتن	نشت و نیاد	هم رنگ، هم دول	هم وپ
مان کپتن، سرکتم، اخته	چچری بوتن	انگیزه دیوکین	سکین دیوکین
ضد، مخالف	چپ	راه نشان دیوک	راهشون
تاریخ	راج دپتر	مدینه منوره ی غلیمی نام	یثرب
دیم، صفحه	تاکلیم	نامی انت غیرشه اصلیین ناما	کنیه
طلاق، یله کرتن	سون	وشالی، وشی	گل وشادی
لمبها باله کاریت	لمبوک کنت	سبب	وج
احتیاجه کنت	اره کنت	خاطره	یات
اختیارا	واکا	عادتا	خو و تبا
رنگ رنگی	ور وپی	شیرخور	شیرورد
خویه نه کنت، باک نه داریت	رییه نه جنت	تعین، درگیتن	گچین



بزانت	گال	بزانت	گال
اکل و توار	شیمن شیمن	ای رنگا، ای رازا	ای وړا
خشم، گزب	غضب	امانت دار	امین
خشم مه کنت	سرمه زوریت	یک رنگ، یک راز	یک وړ
به دردئ سرا بیاریت	بتورینیت	پرک	توپیر
دوری بکنت	پهریزیت	دل آسا، دل جمعئی	دل ډډی
نپس	ساه	کلیمه	گال
نزیک و سیادان	وتیان	دیما بارت	تسره بارت
احتیاج بیت	اړ بیت	عنوان	سرگال
خانواده	کهول	چوتی، دروک	کلپی
پدا روت	دیمه گردینیت	آخرا	آسرا
نزیگانئی، مجلسانئی	مچیلئی	بازین اشتر	بگی اشتر
جور، بریر	برجم	پیروی کنوک	پدروک
گچین کنگ	درگیجگ	چیزیکه دستا سوره کنت	هنی
هماکه تسره رسینیت	تسررسینوک	وشالی ووشی	مستی وشادی
کم جان، پزور نه	لاگر	ساپین خون	تنکین هون
پشتیوانی	پلامرزی	بی وسین	بزگین
گچین کرتگین	درگیتگین	رنگا، رازا	پیما
درشم و ډولش	شمایلش	نشان، مخسد	آماچ
مردمانی گیشترکیبی رای ونظرآکپتن	ریفراندوم	گمان	گت
واک، وس، برکت	سپ	مزن	کماش
درست کرتن، زانتن	پجاه آورتن	حکومتیین	سرکاریین
دیما، دیمایین	لوپ، لویین	سرکاریین کار	منصب
دارایی، میراث	گلهډ	شکل	دروشم
په ډول سر به سراشتن	نچین	سرچمگ	بن چمگ



بزافت	گال	بزافت	گال
سیل وندارگی، مزین دالان	گالری	کسان تر	کستر
بی پروایی، ظلم	بی توری	نه زور، نه منوک	نه من
مسوولیت	زمه واری	په دست	په کست
نسل، زاگان، اولادان	اوبادگان	په شری، جوان	په کش
سری وت	وت سر	مزن تر	مستر
ویلین خرچ	ویل خرچی	نازانتی	ناسریدی
انبار، نزاورتن	پسان	کمه کاریت	سبکه کنت
سرید، زانوک	پو	مالوم بکنت	درشان کنت
خراب	ناخست	زیان کنگ	گارکنگ
بازین خرچ	اسراف	کبر، هوا	بادهوایی
خوگپتن	عملی بوتن	مچ، مچین، گرد	دُراین
اندازه	کچانه	جوپین	دُراین
بودین، زبرین	کارین	مالومین	دراین
دپا پریننت	پوک دینت	عضو	باسک
پوز	گین	آزاتی	آجویی
برزکش کنت	پیشک کشت	مزن	سروک
به وتی بکرا	به وتی منا	بی سوبه بیت	پروشه وارت
کرما	کنها	مزن تر	دک تر
دزنت	پلنت	سیالی، رقابت	چم هم چمی
درا، به ظاهر	انچا	وس، رودار	واک و توک
خطی	کشکی	وت په وت، نزدیک	وتی
آوارین دگار	سایگ	ترکتینین چیز	ماین
کسان ترین	کسترکین	جاگه، کش، نپاد	رند
زاگ	چوری	پوجیین لک و تروک	پوجیین وسیله



بزافت	گال	بزافت	گال
چیره کپیت	سرپیت	غمین حالت	سوک
نز و مچ بوتگ	جُنجر	گون آوان	گونش
به تهی بیت	پتریت	ناگهائین	ناگتاین
ضدین، مخالپین	چپین	گون آیی	گونی
سیلا، سیلا	ندارگا، ندارگا	زورئ	زرایی
نز آتگ	کلوتو	مرگ دار	تامدار
بختا بال آورتن، وار گپتن	تیردانن	تازگ، حشک نه	تر
کش و رندا	شاه رندا	بی آپ	حُشک
جوپ، جُپ	کوپ، کُپ	شه و طنا در	درملکا
هماکه بارت	بروک	سردین جاگه	سرد جاه
بل، جوړه	هار	حالت	جاور
هم زات، همسال	همدپ	یک واری	یک رندی
هم بالاد، هم دول	هم گنج	همی رنگا	همی دابا
پشتی آواری	پشتی زیل	اوشتانگ، اوشتارنتگ	جک
به زوانا، شفایین	زوانین	جواب	پسو
ارزش	کدر و رو	چپین زاگی زاگ دیستنئ نادرایبی	کپتن
پامی وړ	دلگوشی وړ	وشین حال، کلانزوری	مستاک
وخت و پاس	وهده ورساک	جنین، همسر	لوگ بانوک
کنایه بین	پانادین	بدنت که بوارت	بوارنیت
کرن، کرنانی	پیری، پیرپانی	درمانجاه، شفاخانه	دُراجاه
نسل	نیرگ	ناجوری	نادرایبی
زاگ، اولاد	اوبادگ	دوا	دارو
احساسش	مارگش	پیچکاری	سوچن
الاس، آخر	آسر	مردمئ جندی	شخصی



بزافت	گال	بزافت	گال
گنڊيت	گندگا انت	واب جاه، بستر	نڀاد
لوڙيت	لوڙگا انت	گوڙي	ليب
جتيلي	هجر	ادبيات	ليزانڪ
دنتان دردي	دنتان دوري	شعر	شير
مزن ڪرت	روڊينٽ	ماس	مات
راه پله	زينگ	چميءَ جالگ ويڙگي بارگين مود	ملاڙ
وخت	رساڪ	زام، شمشير	سگار
ماه صورتين	ماهرنگين	وهدي ڪه	درگتيڪه
صورتين	چٽين	ڪاميابي	سوب
ڪاشڪي	ماسٽين	سيلا، ديستنا	چارٽنا
احساس	مارگ	هما ڪتره، هما دما	گون وارا
تجربه، آزمايگ	چڪاس	گرم، گرم	ڪهور
گندگين، بلين	تال و ترشپين	براه و زيب، نڊارگ	نما
چه وهڊا، چه پاسا	ڪڊي، ڪڊين	خاطرا، لحاظا	پارا، پهرا
سپاه، سپاهين	پوڄ، پوڄين	بلوچائي فولڪلوريين شيري انت	ليڪو
تب و خو، عادت	خو	معشوق، معشوقا	مهلنج، مهلنجا
هيل، بلد	موتگ	هما ڪه وانٽنا نه زانت	ناوانت
نخس، تاوان	ملا متي	درا مالوم	درشان
تشوئيش	گرتي	قاعده، ڊول	راهبند
همسليگي	همسروگي	فاعل	ڪنوڪ
مزن امزن، په مزني	ٽواڻو	بار	جز
جورو	روپونڪ	چنت بار	اجزا
نيمون	پلمه	بگنڊت	بچارت
شه انونا پڊ	آيوڪ	گپتگ، ترشپ، بادھوا	پوخ



بزانت	گال	بزانت	گال
درختانا	دراچانا	بارخ، مزن	شاه بيد
لعل	لال	سيزگ	لد
لعلا	لالا	مزگ، مزگی	خوند، خوندى
ببلنت	ترينت	پوره کنگ	بوجگ
چرخه ورنٺ	برشکنت	ڊنا شه وطننا، ڊنا	درا
مزن ڪرته، ساته	رودينته	نام و تواری واوند	جهان ڊا
زيان مه ڪن، ختم مه ڪن	مه ڪتين	کيلا کيل، سرما، پُر	غيپ
نشان گپتن	آماج	نند و نيادی جاگهي	بُندري
آدمي زاگي	آدمي چڪي	کوهين جاگه و هند	کوهستگ
باشلوکاتا	اتالانا	مچ، مچين	درستين
لگتموش	لٽار	عضو، اعضا	باسڪ، باسکان
لوچين پاد	شپادين پاد	ڊپي گچ و آپ	تو
غم و غصه	زاري زار	چريڪ، ريشخند	ملند
آبائي	شاييتي	ڪرته	ڪته

بن چمگ

- بلوچي زوان راهبند، ع. پهوال ۱۰۱۰ ج علومي اکادمي هجري شمسي ۱۳۶۲ سال.
- بلوچي متل گالوار. نزار و پولڪار ولي محمد رخشاني.
- بلوچي گالبند، ع. پهوال.
- سيد گنج "سيد هاشمي".
- براهدارين پل شه بلوچي لبزانڪي باگا. ع. پهوال هجري شمسي ۱۳۶۶ سال.
- بلوچي بوانيس عبدالڪريم "راجي".

